

Ɔwɔlɔ́á Paulo Lɔ́wanlín Sísí Romafɔ

¹ Mí Yesu Kristo osúmbi Paulo dé ɔwɔlɔ́ ánfí wanlín sísí mli Romafɔ. Bulu léti mí ɔbée, mbóbɔwe mu sumbí ɔyɔpó. Ɖele mí yáí ání néda mu asɔn wankláán ámu ɔkan.

² Bulu léhie asɔn wankláán ánfí yáí tsɔn mu ɔnɔ́sú atɔ́púsu dodoodo, bɔwanlín mó wá mu asɔn wanlínhé amɔtɔ. ³ Asɔn wankláán ámu ɔlɔ́tɔ́ tsú mu Bi, ogyi anɔ Wíe Yesu Kristo ɔwi. Anyánkprɔ́sa ɔkpasu á, ɔleln Owíe Dawid abusuantɔ. ⁴ Bulu léle súná ání lélé mu Bi ní. Ɖlɔtsɔn Ɖhe Wankíhé túmitɔ kósúá mu tsú afúlitɔ. Mɔgyí anɔ Wíe Yesu Kristo. ⁵ Ina musu Bulu lawá awítɔle lé mí mu sumbí ɔyɔpó, ménɔ nékpa ɔmá bámbásófɔ bóhɔ mu gyi, nú mu ɔme. ⁶ Mli Romafɔ ánfí Bulu latí ɔbée, mliɔbɔwe Yesu Kristo klé é mliɔ mótɔ.

⁷ Inɔ su mí Paulo nde ɔwɔlɔ́ ánfí wanlín sísí mliá mliɔ Roma féé. Bulu lahíé dwé mli, tí mli, pɔ mli bwé mu ahá. Nde anɔ Sí Bulu mu a anɔ Wíe Yesu Kristo kokóli mbée, bɔgyíi mli buale, abɔha mli iwilwii.

Paulo Bulu Ɔpánda

⁸ Gyankpapu a, nna Yesu Kristosu nde mí Bulu ɔpán da mliɔ okugyíɔku nwunsu. Tsúfé mli Kristo hógyi su mli dá de ɔyítɔ féé. ⁹ Napó mí klɔn féé nde Bulu súm tsɔn mu Bi Yesu ɔwi asɔn wankláán ɔkan ámuɔ́ ndeɔda ámusu. Obégyi mi adánsie ání ntekáin mliɔ bregyíbréá nde mpái bɔ. ¹⁰ Ntetsiá kokóli mu ekekegyíeke mbée, otsúla finki ɔkpa ha mi, antali besináa mli nke ánfítɔ. ¹¹ Tsúfé ɔdin mí ɔwólá mía

mlinyɔ abéfia, ménɩ nébeha mlénɩya ɔɣe Wankíhé atokiehé ání íbɔ́wa mlɩ ɔ̀wɔnlín. ¹² Múá ndeblí gyí, ní neba mlɩ wá á, mí hógyi bɔ́wa mlɩ ɔ̀wɔnlín, mlɩ klé é íbɔ́wa mí ɔ̀wɔnlín.

¹³ Mí apíó, ndekléá neha mlɩ bɩ ání nabwébwéébwé agywɩn ání nébesɩnáa mlɩ, táme tɔkɔ de mí ɔkpa tíin bɔ́fɔn nde. Ndekléá néba ɩnɔ bɔ́tɔ́i kplá ahá, ménɩ bóhɔ Yesu gyi, fé alíá nahá ahá bahɔ mɔ gyi ɔ́má bámbátó. ¹⁴ ɔ́nɩ gyí tóá ilehián ání nóbwe ahá féétó nɩ. Ilehián ání nóbwe mó Griikifɔ pú ɔ́blí bámbá ablípó, atiansɩpɔ pú aha mimláhe féétó. ¹⁵ ɔ́nɩ sɔ mí ansí lapé ání nébláa mlɩ ahá ání mlɩbɔ́ Roma wúlutɔ é asɔn wankláán ámɔ.

Bulu Asɔn Wankláán Ámɔ Túmí

¹⁶ Bulu asɔn wankláán ámɔ ɩma mí péli. Tsúfé mógyí Bulu túmí ání ɔ́depɔhɔ ɔ́hagyíɔha ání ɔ́bɔhɔ Kristo gyi nkpa ní. Yudaɔ gyánkpa, asa ahá ání bɔ́megyí Yudaɔ bɔ́buo. ¹⁷ Tsúfé asɔn wankláán ámɔtɔ Bulu léle alíá ɔ́tɔ́bwé ɔ́ha yilé ɔ́bwepó súná. Mó ɔ́sú-así féé ilí hógyisɔ. ɔ́nɩ Bulu asɔn wanlínhé amɔ leblí ní. “ɔ́há ání mɔ hógyi sɔ Bulu latsú mɔ ání mɔ asún da ɔkpa obénɩya nkpa.”

Lakpan ɔ́bwepó ɔ́hagyíɔha Gyí Bulu Ansító

¹⁸ Bulu léle mɔ ɔ́bló súná tsú ɔ́súsú. Olenɩya ɔ́bló ahá ání bɔ́tamanyá mɔ ifú, bɔ́de lalahe bwe, bapú amó owuntɔln bɔ́de Bulu asún ání igyi ɔ́nɔkwali ɔkpa tíin. ¹⁹ Bulu ɔ́bébítí amó ɩsɔ. Tsúfé tóá ilehián ání bébɩ tsú Bulu ɩwɩ ɩda amó ansító dodo. Bulu onutó léle mó ɔ́wan súná ámɔ. ²⁰ ɔ́bɔ mótó ání ɔ́haa tamawun Bulu túmíá itamatá pú alíá ogyi. Táme tsú bréá Bulu lóbwe ɔ́yí ɔ́pá á, Bulu tsiátó menain. Tsúfé mɔ atɔ bwehé léle mó súná wankláán ání ahá bétalí wun mó, póbí mɔ. ɔ́nɩ sɔ ɔ́haa má ɔ́nó kɔkɔ

lé. ²¹ Bv̄yin Bulu, táme b̄uməwa mu numnyam ání iletsiá mu, b̄uməpu ipán koku é há mu. Mboún t́á ima asi b́otəgyw̄in tsu Bulu iw̄i. Butamatráa nu mu asón ámu asi. Basin oklúntə. ²² Buteki amó iw̄i b̄eβ̄ betin ansí, táme bemimĺaa. ²³ Basí Bulu əkiankpapu amu tswi, yó b̄ude ikpi ání b̄uma nkpa s̄úm. Bəpwe amó, nt́ee sré amó fé nyankp̄usa ání otowú, nt́ee mbubwi, nt́ee mbw̄i p̄o awə aku.

²⁴ In̄i sv̄ Bulu ladámli əma há amó, basí b̄ude atə laláheá b̄udeklé tsu amó kl̄ontə b̄we, amóa amó aba b̄ude iw̄i sup̄aa. ²⁵ Butamatráa h̄ə Bulu ənəkwali amusu gyi. Asón ání ima mót́ mboún b̄udehógyi. In̄i sv̄ bayó b̄ude Bulu atə b̄wehé mboún s̄úm, sí ató féé ɔb̄wep̄ó ámu onutó. Kanfó letsiá mu bré féé! Amen.

²⁶ Amó b̄wehé ánfi sv̄ Bulu lédamli əma há amó, b̄una b̄ude hakpanla b̄we. Amó atsi kóráá besi ayin wá di, fé alíá ida yaí, amó w̄lew̄ole b̄uda aba wá. ²⁷ Alí kén ayin é besi atsi wá di fé alíá butəbwé mú yaí, b̄uda aba wá ní. Hakpanla anfi b̄we sv̄ Bulu lébití amó isv̄ ání lekánáa ha amó, b̄ude mú w̄iun ni.

²⁸ In̄iá bakíná Bulu bi sv̄ á, Bulu ladámli əma há amó, b̄ude asokpan susúu, b̄ude t́á ima aleá əha əb́b̄we b̄we. ²⁹ Lalahé śón bu amót́. Iku gyi; lakpanb̄we, opotsuawa, olu, ənsípe, ahámə, mb̄líkp̄éé, ahámle, agyw̄in laláhe b̄we p̄o ahátsíi. ³⁰ Ahá ənót̄in, Bulu asúnkiná, atómábú, iw̄itsú, iw̄i adábi da. Lakpan əkpagyáa, akw̄íp̄usu kusólíi. ³¹ Butamagyw̄in, butamagyi amó asv̄n blíhésv̄. Butamadwé ahá, butamawun ahá n̄we. ³² In̄iá b̄v̄yin ání Bulu mbla ámu losuná ání əhá ání otsiá atsiábi anfi odu ob́wu óó á, megyí in̄i anfi nkole

budebwe. Bɔtráa bude lalaha abwepó é atetɔ-onlin wa dínká mósó.

2

Bulu Tamakɩ Ōha Ansító

¹ Inɩ su fɔ́á fɔtsie fɔde fɔ aba ilá le, fɔma onó kuku lé Bulu ansító. Tsúfɛ́ fɔde aku ilá le, táme fɔde mú odu kén bwe. Mú su ní fɔde amú ilá le á, iwɩ pón fɔdeha. ² Aniyin ání Bulu obéha ahá ání bude inɩ odu bwe ipón. Aniyin é ání mu asón da okpa. ³ Mú su ní fɔde ahá ilá le lakpan ání fɔ onutó fɔdebwe su á, bi ání Bulu é obéha fɔ ipón. Fóméetalí kɔli dali mu ibi. Ntée fómeyín alí? ⁴ Bulu lalé mu yilé pó mu awɩtɔle owan súná fɔ, alanya klon há fɔ, táme fómobu mu. Ntée fómeyín ání alíá fédamlí klontɔ yínkí ba mu wá su alalé mu awɩtɔle súná fɔ? ⁵ Táme klontɔ bu fɔ odwin, asɩtɔ bu fɔ onlin. Mú su isɩtɔbití ání ida gyo fɔ ekeá Bulu Ōnɔkwaliɩ obégyi asón itráa démoní tsía. ⁶ Bulu obéka ohagyíɔha ikɔ mu bwehé onó. ⁷ Aku hapú ansí dínká ání bénya numnyam, idayilé pó nkpa ání itamatá. Mú su banyá klon bude yilé bwe ekekegyíeke. Amú Bulu obéha nkpa ání itamatá ní. ⁸ Táme akvá bubu onsípe, bakíná onɔkwali amu pó yilébwɛ, bubuo lalaha mú á, Bulu obóɩ oblé gyi amú asón, bití amú isɩ wankláán. ⁹ Asɩn wunhe móa iwiasɩn béba lalaha abwepó féésó. Ibégyankpá tó Yudafɔ, asa ibótu ahá ání bomegyí Yudafɔ. ¹⁰ Táme Bulu obówa yilé abwepó numnyam, há amú iwilwii, trá ha amú ayɛ. Obégyankpá há Yudafɔ, asa ibótu ahá ání bomegyí Yudafɔ. ¹¹ Tsúfɛ́ Bulu tegyi asón onɔkwaliɩ, otamakɩ ohaa ansító.

¹² Ahá á múú bɔmeyín Mose Mbla ámu, bɔde lakpan bwe ámu óó bófwí. Táme Bulu móɔpu mbla ámu gyi amó asún. Ahá á múú bɔyin mbla ámu asa bɔde lakpan bwe ámu mó á, Bulu ɔbélí mbla ámu su há amó ipón. ¹³ Tsúfé megyí ahá ání bɔyin Mose Mbla ámu asún da ɔkpa Bulu ansító. Mboun ahá ání bɔtegyi mósó. ¹⁴ Ibu mótóá ahá á múú bɔmegyí Yudafɔ bɔmeyín Mose Mbla ámu. Táme ní amó onutó bɔde mbla ámu su gyí a, bɔdesuná ání bɔyin yilé móa lalahɛ amó klɔntɔ. ¹⁵ Amó bwehé ánti desuná ání Bulu lówanlín mbla ámu dínká amó klɔnsu. Amó klɔn de adánsɛ gyí ání lélé bɔyin mó. Tsúfé bré kutɔ á, amó agywun tɛhá amó ipón, bré kutɔ é á, itɛhá amó asu. ¹⁶ Alí kén íbéba ɛke á múú Bulu ɔbótson Yesu Kristosu gyi tóá ahá babwé ñáintɔ iwí asún ní. Alí Kristo iwí asun wankláán á múú nde mó ɔkan da ámu idesuná ní.

Yudafɔ Pó Mose Mbla

¹⁷ Fú fɛɛ Yudayin fɔgyi, fú ansí dɔn Mose Mbla ámu su, fúdepu íbɛ sí kántó fɛɛ Bulu mu bi fúgyi. ¹⁸ Fɔyin Bulu apé, tsúfé fakásí Mose Mbla ámu. Mú su fɔyin tóá íbɛ alé. ¹⁹ Fɔtɛkɪ fú iwí ansibi abwiepó ɔkparó, fúgyi fé ɔkandíe há ahá ání bɔmeyín Bulu, basin oklúntɔ. ²⁰ Fú fɛɛ fɔgyi aha mimláhe ansí ɔ́tɛnpu. Fétalí suná ahá ání bɔmeyín ɔlala tóá íbɛ alé. Tsúfé fatsulá fɛɛ Mose Mbla ámu su fabí tógyító, fabí ɔnɔkwali kugyíku é. ²¹ Táme íniá fúde ahá yilé suná á, ntogyi su fɔmóosuná fú iwí mó? Fɔde ɔkan da bláa ahá fɛɛ bɔmáwi ató, táme fú onutó fɔdewi? ²² Fɛɛ bɔmátɔ mbua, táme fúde mbua tɔ? Fɛɛ bɔmásum ikpi, táme fɔtowí ɔkpɛasi ató. ²³ Fɔtotsú iwí Mose Mbla ámu su, táme fɔtepán mósó. Inɪ su

fode Bulu kpóí. 24 Bulu ason wanlínhé amu lébli obéé, “Mli Yudafó bwehé su ahá ání bomegyí Yudafó bude Bulu tswi ason laláhe blí.”

25 Ní mlidé Bulu mbla ámusu gyí á, mli ketétin bu labi. Táme ní mlitamagyi mósó á, mligyí fé ahá ání bometin keté. 26 Ní oku métin keté, ode Mose Mbla ámusu gyí a, ogyi fé keté otinpu Bulu ansító. 27 Mli Yudafó mliyin mbla ámu, tsúfé bōwanlín mó tswi mli, betin mli keté é, táme mlitepán Mose Mbla ámusu. Mó su ohá ání ometin keté kóráá, táme ode mbla ámusu gyí obéle mli ilá. 28 Tsúfé megyí keté otinpu gyí Yudayin onutó. Ketétin onutónutó bu inu. Megyí oyulósu ketétin keke. 29 Ní oku gyí Yudayin onutónutó á, mu klontó tósúná. Ketétin onutó itsú klontó. Bulu Ojé ámu tóbwé mó, megyí mbla ámóú bōwanlín tswi amusu gyí. Ohá ání Bulu Ojé ámu letin mu keté á, Bulu onutó tékánfó mu, megyí nyankpusa.

3

1 Mómó labi mōmu Yudafó bubu dun ahá ání bomegyí Yudafó? Ntée labi mōmu ketétin bu? 2 Ibu mótóá labi ámu ihíé itsó! Gyankpavu gyí, Bulu lópu mu klonsu asón wá Yudafó ibitó. 3 Ibu mótó ání amótó aku bōmōhō Bulu asón ámusu gyí. Táme amó tsiátó anfi odu ibétalí há Bulu obési tóá olehie ání obóbwe lóó? 4 Ekekeke! Megyí ali igyi! Ní afunupu ahá féé bugyi óó á, Bulu mó á, onokwalipu ogyi. Igyi fé aliá Owíe Dawid lébláa Bulu obéé, “Ní fótíí á, ahá bublí beé fú asón igyi onokwali.

Ní begyi fú asón é á, bublí beé fú asón da okpa.”

5 Ní aní tsiátó laláhe lalé Bulu tsiátó wanklāán súná á, mómó ní ode aní isu bití aní tsiátó laláhe su á, nkáli abéblí? Abéblí aniaa, Bulu má okpa bití aní

isu? (Nyankpɔsa asɔn blíhé ndeblí á.) ⁶ Ekekekeke!
Ima mótó alí. Ní Bulu asón meda ɔkpa á, nkáli
obégyi ɔyító ahá fée asón?

⁷ Ɔku ɔbéfité ɔbéε, ní mí ɔnɔkwali máwá lalé súná
ání Bulu bu ɔnɔkwali, ilatsú mu dá fúá á, mómó
ntɔ sù Bulu ɔbétrá ha mí pón ɔbéε lalahε ɔbwepú
ngyi? ⁸ Ní igyi alí á, mómó ntɔ sù aníméεblí aniaa,
“Mliha abwe lakpan, fówun Bulu tsiátó wankláán
ilan ɔwan?” Fé alí á múú aku bude mí ɔnó tun beε, nna
ndeblí ámu. Bulu ɔbéha amú ipón alíá ilekanáa.

Ɔhaa Mégyi Yilé Ɔbwepú

⁹ Nkáli meε abéblí pómó mú ɔnó? Mú su aní
Yudafɔ anidɔn ahá á múú bumegyí Yudafɔ ámu lóó?
Ekekekeke! Anímódɔn amú ɔkpagyíɔkpasu. Nablí
bɔtsɔn mbée, ikule Yudafɔ pú ahá á múú bumegyí
Yudafɔ ámu fée bugyi. Tsúfé lakpan lagi amú féesó.

¹⁰ Bulu asón leblí ɔbéε,

“Ɔhaa asón meda ɔkpa Bulu ansító. Ɔbakúε kúráá
méda lí mótó.

¹¹ Ɔhaa tamanú Bulu asón asi;
ɔhaa tamadúnká Bulu ɔkpa.

¹² Amú fée badámlí ɔma há Bulu,
ámú fée bafwí.

Yilé ɔbwepú ɔkoku má inu. Ɔbakúε kúráá
méda lí mótó.”

¹³ Bulu asón ámu létrá blí ɔbéε,

“Butekle asɔkpan blí.

Buɔpú amú ɔnó mlé ahá.

Amú ɔnótó asɔn blíhé tɔmó fé iwɔ elín.”

¹⁴ Bulu asón ámu létrá blí ɔbéε,

“Ilwí pú asɔn-sinsín blí butegyí dí.”

¹⁵ Ɔlétrá blí ɔbéε,

“Ahámɔ ma amú ɔpá.

16 Ɔtínegyiɔtínéá bona á, buɗe ahá yintá, buɗe ahá ipiantɔ wa.

17 Bumeiyín ɔkpa ání itɔpó iwilwii ba.”

18 Bulu asón ámu kv é leblí ɔbéε,
“Bɔtamanyá Bulu ifú.”

19 Séi á, anyin ání asóngyiasón ání Mose Mbla ámu losuná á, ida ha Yudafɔ ámóú bɔpu mbla ámu há ámu. Mú sv ɔkuku méenya ɔkpa lé asvansv ɔnó bréá Bulu dé ahá fée asón gyí. 20 Tsúfɛ Mose Mbla ámvsu gyí méetalí há ɔha ogyi asv Bulu ansító. Há mbla ámu itehá antebí ání lakpan abwεpó angyí.

Alá Ɔha Tegyi Asv Bulu Ansító

21 Séi á, Bulu lasúná ɔkpa ání ɔtɔtsɔn mósú há ɔha asv. Imená Mose Mbla ámvsu gyísv. Táme Mose Mbla ámu pó Bulu ɔnósú atɔípó amv asv wanlínhé leblí ɔkpa ámu iwí asón yáí. 22 Ɔkpa ámu gyí ɔkpa ání Bulu tɔtsɔn há ɔha asv mu ansító ní. Yesu Kristo hógyisv Bulu tɔtsɔn hɔ ɔhagyíɔha. Ma fɔgyi o, ma fɔmegyí o, nkónv fotsú o, nkónv fɔmotsú o, ɔhaa mótɔsv ɔtsan Bulu ansító. 23 Tsúfɛ ahá fée babwé lakpan. Mú sv bahólí Bulu numnyam. 24 Awítɔle Bulu lawá há aní. Mú sù nyankpɔsa obégyi asv mu ansító ní. Awítɔle anfi ina Kristo Yesuv. Muléka nyankpɔsa nwunsv ikɔ. 25-26 Anyánpɔsa buɗe lakpan bwε tsú bré ɔpá, támε Bulu lénya klɔn há amó, ɔmɛbití amó isv. Séi á, Bulu labɔpu Yesu bó afɔɗiε, pó mu obugya lé aní iwí mbusuo, méní abótɔn mu hógyisv nyá lakpansikíé. Bulu lóbwε mó ah pósúná ání mu asón da ɔkpa, méní ibósuná nkε ánfítɔ ání yilé ɔbwεpó ogyi. Ototsú ahá ání bɔhɔ Yesu gyi ání amó asón da ɔkpa mu ansító.

27 Séi mé, taku bu unvá abótsu iwí mósú? Tɔtɔ má unv. Ntogyi só anuméetalí tsú iwí? Mose Mbla

ámv sv lóó? Ó-o! Aní hógyi sv anuméetalí tsú iwí. ²⁸ Megyí ató wankláán ámóú Mose Mbla losuná aní bwe ámv sv anitegyi asv Bulu ansító. Ina Kristosv hógyisv abégyi asv Bulu ansító. ²⁹ Yudafó nkole Bulu ógyi? Megyí ahá ání bomegyí Yudafó mó Bulu ogyi? Ee! Amó é amó Bulu ní. ³⁰ Bulu okole pé bv inv. Mó sv ina hógyisv olotsulá ání Yudafó asón da okpa. Ina hógyi kénsú olóhó ahá ámóú bomegyí Yudafó ámv é ání amó asón da okpa. ³¹ Mú sv ilehián ání abóhó Yesu gyi, sí Mose Mbla ámvsv hógyi lóó? Ekεkεεke! Megyí alí ígyi. Yesu hógyi téhá anitekítá mbla ámvto kinkíínkín.

4

Abraham Iwí Asón Lasúná Alí Hógyi Bv Labi

¹ Séi á, amansv aní Yudafó abéblí tsú aní náin Abraham iwí? Ntó olowun tsu Bulu aháhó asón ánfí iwí? ² Ní yilébwε só Abraham légyí asv Bulu ansító á, múmú obv tóá obóputsú iwí, táme megyí Bulu ansító. ³ Nkálí Bulu asv n wanlínhé amv léblí? Oléblí obéε, “Abraham lóhó Bulu gyi. Mó sv Bulu lótsu mv ání mv asón da okpa.” ⁴ Ní okv oyó agyómá á, bteká mv ikó. Megyí atokiehé ikaká ámv gyí. Igyi tóá ilehián ání obénya tsú mv agyómá yótó. ⁵ Táme megyí ahá bwehé sv, mboun amó hógyi só Bulu totsú amó ání amó asón da okpa. Tsúfé Bulu téhá lakpan abwεpó ání bóhó mv gyi btegyi asv mv ansító. ⁶ Owie Dawid léblí oyúla asón ánfí kén dodo. Olótóí tsú ahá ání Bulu mékí amó bwehé asa olotsu amó ání amó asón da okpa iwí. Olowanlín mó wá Bulu asv n ámvto obéε,
⁷ “Bulu layúlá ahá ání alási amó lakpan kíé amó, alagyóra amó!

⁸ Ahá á múú Bulu lasí amú lakpan kíé amú, ɔméetrá kaín músú ámu bégyi ɔdwe!”

⁹ Keté atínpu nkɔle bú ɔdwegyí anfi Owíe Dawid dé mú iwí asón blí ánfí? O-o! Ahá á múú bɔmetin keté ámu é bɔbɔ mótó. Kaín ání anilakla asvanku Bulu asɔn wanlínhé amɔtɔ. Ania, “Abraham lóhɔ Bulu gyi. Mú sv Bulu lótsu mu ání mu asón da ɔkpa.” ¹⁰ Bré mɔmu Bulu lótsu mu ání mu asón da ɔkpa? Ɔletin keté asa lóó? Ekekεεεε! Bulu lótsu mu ání mu asón da ɔkpa dodoodo. ¹¹ Ɔma-ɔma asa ɔlebetin keté púhíe mu nsu. Ilosuná ání mu hógyi sɔ Bulu lótsu mu ání mu asón da ɔkpa. Iní sv ogyi fé ahá á múú bɔmetin keté, táme bɔhɔ Bulu gyi, Bulu lótsu amú ání amú asón da ɔkpa ámu. Mú sv ogyi amú féé ɔsí ní. ¹² Ogyi keté atínpu amú é ɔsí. Tsúfé megyí amú ketétin sv, mboún amú Buluhógyi sv. Fé alí á múú Abraham lóhɔ Bulu gyi asa betin mu keté ámu.

Tɔá Bulu Léhie Yáí Mv Ahogyipu

¹³ Bulu léhie Abraham mva mu abí-aná ání ɔyító féé ibóbwe amú klé. Megyí beε Abraham légyi Mose mblasu, sv Bulu léblí asón ánfí. Táme ínía ɔlɔhɔ Bulu gyi, Bulu é lótsu mu ání mu asón da ɔkpa mu ansító sv. ¹⁴ Ní ahá ání bɔde Mose Mbla ámɔtɔ obégyi Bulu ató á, múmú ɔha Bulu hógyi igyi kpaali. Bulu nhíhíé há ɔha é ma labi kɔku. ¹⁵ Tsúfé Bulu ɔbló mbla ámu tetí. Táme ní mbla má inu á, mblatɔn é ima inu.

¹⁶ Mú alí sv ina hógyisu ahá bétalí nyá atóá Bulu léhie yáí há amú. Atokiehé á múú ɔbɔpuhá Abraham abí-aná ámu ibéda amú ibi. Megyí ahá ání bɔtegyi mbblasu nkɔle bú, táme ahá ání bɔhɔ Bulu gyi fé Abraham é. Tsúfé Abraham gyí aní féé ɔsí. ¹⁷ Fé alí

ámú Bulu asun wanlínhé amv ileblí òbée, “Napó fò bwé òmá tsòtsòtsò òsí ámv. Abraham gyí aní fée òsí Bulu ansító.” Tsúfé olohogyi ání Bulu téhá awupó nkpa, òtéhá tóá ima inu yáí iteba mótó fé tóá ibu inu yáí. ¹⁸ Bréá tòtò má inuá Abraham òbòpò mv ansí dínká mósó á, òlòhò Bulu gyi ání òbòbwe mv òmá tsòtsòtsò òsí alí ámú òleblí yáí ámv. Bulu lébláa mv òbée, “Fó abí-aná békléí fé ntsrakpabi.” ¹⁹ Alí bré ámùtò á, Abraham lahò nfi lafakòle (100). Mú sv aladan tsun kwísú. Alí kén mv ka Sara é òkwípúni lawú, òmétrá kwí ní. Oyin ínì fée, táme òmekpa mv hógyi òma. ²⁰ Iní fée òma a, òmegyi nwéen òbée, itó ámú Bulu léhie mv amv iméeba mótó. Mboún òlekítá mv hógyitò kinkíinkín, òlekanfó Bulu mó sv. ²¹ Tsúfé òhié oyin ání Bulu òbétalí bwé itó ámú alahíé há mv amv. ²² Mv hógyi anfi só Bulu léblí òbée, mv asún da òkpa ní. ²³ Megyí mv nkòle sv bòwanlín wá Bulu asún ámùtò bée, “Bulu lótsu mv ání mv asún da òkpa.” ²⁴ Aní é, aní sv bòwanlín mó. Ní anilòhò Bulu gyi a, òbòtsu aní ání aní asún da òkpa. Mogyí òhá ání òlòkòsúa aní Wíe Yesu tsú afúlitò. ²⁵ Aní lakpan só Bulu léha bele mv há bòmò mv. Bulu lókòsúa mv tsú afúlitò, ménì òbòtsu aní é ání aní asún da òkpa.

5

Isvgyí Bulu Ansító

¹ Aní hógyi só Bulu latsú mó ání aní asún da òkpa. Mú sv aní Wíe Yesu Kristo lalá ania Bulunyo nsiné. ² Hógyi sv òkpa lafinkí há aní nya. Iníá aní Wíe Yesu só Bulu awitòle anfi laba anisv, anilapó hogyi nyá òlúkpá nya a, òhié bv aní òdwe. Tsúfé anidín ansí ání abébenya mv numnyam amv kv. ³ Ansí

itráa de anɪ gyí ání anɪdé ipian wúun. Tsúfɛ́ ipian tɛ́há anɪtɔ́wá nsi. ⁴ Nsiwa tɛ́há anɪtɛ́bí tsíá alíá ilegýi Bulu ansí. Ní abí tsíá alíá ilegýi mu ansí á, abédɪnká ansí mɪsɪ. ⁵ Ansí pɔ́dɪnká Bulusɔ́ mééha péli méékítá anɪ. Tsúfɛ́ Bulu lótsɔn Ɔɲɛ Wankíhé amóú ɔ́lɔpɔhá anɪ ámɪsɪ pɔ́ mu ɔ́dwe wá anɪ klɔntɔ.

⁶ Bréá anɪtráa anɪgyí lakpan abwɛpó, anɪmá ɔ́wɔnlɪn á, Kristo lóbowu há anɪ lalahɛ abwɛpó bréá Bulu onutó léhiɛtɔ. ⁷ Ní ɔ́kɪ asón da ɔ́kpa kóráá á, ɪbówa ɔ́nlɪn asa ɔ́kɪ obótsulá wú há mu. Fíali ɔ́ha yilé mú á, ɔ́kɪ ɔ́bówa klɔn wú há mu. ⁸ Táme tóá ilosuná ání Bulu tɛ́híé dwé anɪ gyí, bréá anɪgyí lakpan abwɛpó á, ɔ́leha Kristo lóbowu há anɪ. ⁹ Ina Yesu Kristo obugya amóú ɪɔ́wɔlí asɪ ámɪsɪ Bulu lési anɪ lakpan kíé anɪ, tsú anɪ ání anɪ asón da ɔ́kpa. Kristo sɔ́ ɔ́béle anɪ kokooko. Ɔ́méɛbití anɪ ɪsɔ́ lakpan abwɛpó ɪsɔ́-ɔ́bitíké amɪ. ¹⁰ Tɛ́kɪ Bulu alupó anɪgyí. Táme tsúɔn mu Bi ámu lowusɔ́ á, alabwé anɪ mu anyawíe kláklá. Iníá anɪlabwé mu anyawíe sɔ́ á, ɔ́bóhɔ́ anɪ nkpa kokooko. Tsúfɛ́ Kristo é bu nkpa. ¹¹ Megýí mú wɔ́le. Múá itráa dɔ́n kóráá gyí, anɪdé ɔ́dwe gyí. Tsúfɛ́ anɪ Wíe Yesu Kristo lalá anɪa Bulunýɔ́ nsíné. Mú sɔ́ anɪlabwé Bulu anyawíe.

Adam Mɔ́a Kristo

¹² Adam nkɔ́le bwɛhé sɔ́ lakpan léba ɔ́yítɔ́. Mu lakpan ámu só lowu léba ɔ́yítɔ́. Inɪ sɔ́ lowu lénya túmɪ ɔ́hagyíɔ́hasɔ́, tsúfɛ́ ahá féé babwé lakpan. ¹³ Lakpan bu ɔ́yítɔ́ asa Bulu lópsɔ́ mu mbla ba Mose. Táme bréá Bulu mókópó mbla ámu ba mu a, olobun ansíbi lakpansɔ́. ¹⁴ Tsú Adam brésó bɔ́tɔ́ Mose brésó lowu legýi iwíe anyánkɔ́pósa féésó. ɪbu mótɔ́ ání bɔ́mɔ́tɔ́n mbla kɔ́kɔ́ fé Adam, táme amó é bowu.

Akú alíá Adam léklé òlian òmapu amv. ¹⁵ Adam ná òtsan há Yesu Kristo. Tsúfɛ Bulu awítòlɛ amv megyí fɛ Adam lakpan ámv. Adam nkulɛ lakpan sù ahá fɛé bowu. Táme Yesu Kristo nkulɛ awítòlɛwa sv Bulu laláwá awítòlɛ, pò mv atokiehé há ahá tsòtsòtsò. Mv atokiehé ámv ibu bíá òn lowu ámv. ¹⁶ Tóá anyánkpósa benya tsú Bulu atokiehé ámv òna òtsan há tóá benya tsú Adam lakpan ámv. Mv lakpan kulɛ pé amv léha òhagyíòha légyi pón Bulu ansító. Mólópò lowu ba, támɛ lakpan tsòtsòtsò òma a, Bulu atokiehé kulɛ pé léha Bulu lótsu ahá fɛé ání amó asón da òkpa mv ansító. ¹⁷ Òbakóle lakpan sv lowu légyi iwíe ahásv. Táme alíá Bulu lahíe wá awítòlɛ há ahá ibu wánwan. Alatsòn Yesu Kristo nkulɛsv tsú aní ání aní asón da òkpa, ania m̀nyò abégyi iwíe aní nkpatò fɛé.

¹⁸ Iní sv alí ámv òbakóle lakpan sv Bulu léha ahá fɛé pón ámv a, alí kén òbakóle yilébwe sv Bulu lahá ahá fɛé bagyi asv mv ansító, alahá amó nkpa ání itamatá é ní. ¹⁹ Alí ámv òna òbakóle asv ònlin sv ahá fɛé bemlí lakpan abwepó ámv a, alí kén òna òbakóle obú sv Bulu obótsu ahá tsòtsòtsò ání amó asón da òkpa ní.

²⁰ Bulu lópò mbala ámv ba, méní ahá bówun lakpan ání bodebwe wankláán. Táme bréá lakpan dékléí á, Bulu awítòlɛ é idekléí tsía. ²¹ Lakpan légyi ahásv, òlɛha ahá bowu. Alí kén Bulu lawá awítòlɛ tsú ahá ání amó asón da òkpa mv ansító ní. Iní lahá ahá batsòn aní Wíe Yesu Kristosv nyá nkpa ání itamatá.

6

Kristo Sv Aníbv Nkpa

1 Nkálì abéblí séí? Ilehíán ání abóyó anì lakpanbwεsu, ménì Bulu awítòlε bómoní tsíá? 2 Εκεκεεκε! Igyi fé anìlawú, mú sù lakpan ma túmì anìsù. Ntogyì sù abétrá tsiá bwé lakpan? 3 Bré ámóú bóbó anì asú ámù a, anìá Kristo Yesunyó anìlóbwε kulε. Mliyin mú alì? Alì bré ámòtò á, anìá Kristonyó lówu, 4 bopulá anì, tsúfé anìá mònyó anìlabwé kulε. Mú sù alì ámóú anì Sí Onumnyampù amù lókúsúa mù tsú afúlitò ámù a, alì kén anì é abétsiá itsiá pòpwεtò ní.

5 Mú sù íniá anìá mònyó anìlóbwε kulε mù lowutò á, alì kén anìá mònyó lóbwε kulε mù kusó tsú afúlitò é ní. 6 Mlibì ání bréá bèda Yesu mántá oyìkpalìhe amòsù á, mùa anì tsiátó dada amù lówu, ménì aníméetrá bwε lakpan nkpábi. 7 Tsúfé ní òha owú á, òtamatráa bwε lakpan. Lakpan má mùsù túmì. 8 Ìniá anìá mònyó anìlawú sù á, anìbù hógyi ání anìá mònyó abétsiá nkpa. 9 Anìyin ání Bulu lókúsúa Kristo tsú afúlitò. Òméetrá wu εκεκεεκε. Lowu itráa ma mùsù túmì. 10 Yesu lówunáa wu òtsáwùlε, ménì òbéle lakpan ìnù. Táme íniá otsie nkpa á, otsie ha Bulu. 11 Mlì é mlìkì mlì ìwì ání mlìlawú há lakpan, amìlε mlì ìwì lε mú túmì asì. Mlìtsia nkpa ha Bulu, tsúfé mlìá Kristo Yesunyó mlìlabwé kulε.

12 Ìnì sù mlìmáha lakpan igyi mlì nyankpòsa-oyí ánfì ibówu ánfìsù, ménì iméeha òwólì laláhe igyi mlìsù, amìlwbε tóá ideklé. 13 Mlìmápu mlì nyankpòsa-oyí ìwì ató há lalàhebwε. Mboún mlìpu mlì ìwì féé ha Bulu, fé ahá ání alakúsúa amó tsú afúlitò ba nkpatò, òpu mlì bwε tóá ìda òkpa. 14 Ìma alá lakpan òbétrá gyi mlìsù, tsúfé séí mlìtráa mlìmá Mose Mbla ámù asì. Bulu awítòlε asì mboún mlìbù.

Yilébwε Nkpábi Anıgyı

¹⁵ Inı ɔma a, amansu abéblı? Ibv aléá abétrá bwε lakpan séi ánfı ánimá mbla ámv asi, anıbv Bulu awıtɔle mboun asi? Ekekεεεε! ¹⁶ Mluméyın ání ní mleba iwıasi há tɔkv, mlıdε mú apé bwε, mlıdε mú sım fé mlı wıe a, mlılabwé mú nkpábi? Nı mleba iwıasi há lakpan á, múmú mlówu, táme ní mleba iwıasi há Bulu á, mlégyı asv mv ansıtó. ¹⁷ Mlılóbwε nkpábi há lakpan bré kvɔɔ. Séi á, mlılapú mlı klvɔn féé hɔ atosunáhé amúú bapúhá mlı ámv, mlıdε músú gyı. Mú sv ndε Bulu ipán da. ¹⁸ Bulu lahá mlılagyı iwı lé lakpan ıbtɔ, mlılabwé nkpábi há yilébwε. ¹⁹ Alıá ıbóbwε mlónu asón ánfı asi, só napú nkpábi tsiátó ndε mlı suná. Bré kvɔɔ á, mlılóbwε mlı iwı nkpábi há hakpan móa lalahεbwε. Alı kén ilehián ání mlóbwε mlı iwı nkpábi ha yilébwε, ménı mlófvɔn yi nı.

²⁰ Bré amúú mlıgyı nkpábi há lakpanbwε ámv a, yilébwε má túmi mlısv. ²¹ Labı mɔmv mlılénya tsú lakpan amúú mlılóbwε, ndε ıbv mlı pélı amvɔɔ? Mú labı gyı lowu. ²² Táme séi mú á, Bulu lahá mlılagyı iwı lakpanbwε túmi asi. Mlılamlı mv nkpábi. Labıá mlénya tsú mótó gyı; mlétsıá tsiátóá ıɔfvɔn yi, nyá nkpa ání ıtamatá. ²³ Tsúfé lakpanbwε ıkáká gyı lowu, táme Bulu atokiehé gyı nkpa ání ıtamatá. Mú ɔɔpvgyı anı bvale tsvɔn anıa anı Wıe Kristo Yesu ıkolebwεsv ní.

7

Mbla Amv Itráa ma Túmi Akristofɔsv

¹ Mı apıó, mlı féé mlıyın Mose Mbla ámv. Mlıyın ání bréá ɔha tsie nkpa á, ɔbv mbla asi. ² Fé ní ɔtsı tsia okúlu, mv kulu amv mókówú á, ɔbv mv kulu amv

asi. Táme ní mu kulu amu owú a, alagyi iwí, okúlu wóyí mbla kuku itráa medé mu. ³ Mú alí su ní mu kulu amu mókónyá wú, òdálí mu òma a, alató mbua. Táme ní mu kulu amu owú mú á, òtráa òma okúlu wóyí mbla asi. Mú su ní òláyétsiá oyin bámbá á, òmàkótó mbua. ⁴ Mí apíó, alí kén igyi há mlí ní. Mlí é bréá mlíóhò Kristo gyi a, mlía mòmnyò mlíówu. Mú su mlítráa mlímá Mose Mbla asi. Séi á, mlíabwé òhá ámúú Bulu lókusúá tsu afúlitò ámu klé, méní mlóbwe yilé há Bulu. ⁵ Tsúfé bréá aníbu aní tsiátó dada amutò á, mbla ámu léha aní òwólí laláhe legyi anísu. Mú su aníóbwé tóá itópú lowu ba. ⁶ Táme séi mú á, Bulu lahá anílagyi iwí tsú mbla ámúú tekí aníbu mú asi ámu íbitò. Anía Kristonyò lówu. Mú su mbla ámu itráa ma túmi anísu. Anílagyi iwí, anídé Bulu súm tsun òkpa pòpwe ání Òhe Wankíhé dé aní sunásó. Megyí òkpa ání mbla wánlínhé amu lósuná anísu.

Mbla Amu Múa Lakpanbwe

⁷ Mú su anídéblí aníaa, itò laláhe Mose Mbla ámu gyí? Ekekeke! Mbla ámu íbéha abébi tóá lakpan gyí. Tekí ní mbla ámu ímèblí òbéé, “Mápe ansí fò bá atósó” a, tekí mmèbi tóá gyí ònsípe. ⁸ Ina alí mbla ání su lakpan lénya òkpa pú ònsípe kugyíku wá mító. Tsúfé ní mbla ámu má ínu á, tekí lakpan má túmi mísú. ⁹ Mí onutó netsiá bré kutò, mmèbi mbla ámu. Táme bréá nèbebi mú á, nowun ání napán mósó. Lakpan òbwepú ngyi. Mú su nówu. ¹⁰ Nowun ání mbla ámúú nkí mbéé, íbéha mí nkpa ámu lópu lowu ba mlí. ¹¹ Tsúfé lakpan lénya òkpa tsun mbla ámu su mlé mí, mó mí.

¹² Tsiátó mbla ámu mú á, tsitsa kuku ma mú iwí. Mó nhíhé kugyíku lówankí, ida òkpa, íbu alé é. ¹³ Mú

su idesuná ání Bulu mbla ánfí ɪbu alé ánfí lópu lowu ba mɪ? Εκεκεεκε! Megyí alɪ ígyi. Lakpan lótsun ɪtɔ wankláán ámʊsu pó lowu ba mɪ. Ina mbla ámʊsu lakpan léle ɪwɪ súná ání itépi ma ale.

Atóá Idekɔ Nyankpɔsata

¹⁴ Aniyin ání ɔɲétó ató mbla ámʊ gyí, táme mí mó á, nyankpɔsa ngyi. Nabwé lakpan ɔkpábi. ¹⁵ Mmetáli bí mí tsiátó, tsúfé megyí tóá ndeklé ntɔbwé, tóá mmedéklé mboun ntɔbwé. ¹⁶ Ní tóá mmedéklé ndɛbwe mó á, natsúlá ání Mose Mbla ámʊ ɪbu alé. ¹⁷ Idesuná ání megyí mí dé alɪ ató ánfɪ bwe. Mboun lakpan túmiá ɪbu misu téhá ntɔbwé mó. ¹⁸ Nyin ání bré ánfɪ mbʊ mí tsiátó dada anfitɔ á, ɪtɔ wankláán koku má mító, tsúfé nyankpɔsa ngyi. Ntekleá nóbwe yilé, táme nakásián. ¹⁹ Mmedé yiléá ndeklé bwe. Lalahɛ amóú mmedékléá nóbwe ámʊ mboun ndɛbwe. ²⁰ Ní ndɛ lalahɛ amóú mmedékléá nóbwe ámʊ bwe á, múmú idesuná ání megyí mí onutó dé mó bwe. Mboun lakpan túmi ámóú ɪbu mitɔ ámʊ dé mó bwe.

²¹ Mó su nawun ání mbla ánfɪ lagi misu. Ní ndekléá nóbwe yilé á, lalahɛ kóun ntɔbwé. ²² Tsúfé nhíé ndekléá négyi Bulu mbla ámʊsu tsú mí klɔntɔ. ²³ Táme ntowun ání mbla kv dé mbla ámóú ɪbu mí klɔntɔ ámʊ ɪsá kɔ, gyi mósú, bwé mí lakpan ɔkpábi. Ulahá lakpan ámóú ɪbu mitɔ ámʊ ide mí bwehé kugyíkʊsu gyí. ²⁴ Kɪ ipian kpɔnkpɔɔnkpɔntiá mbʊ móttó! Ulapó mí ɪya lowutɔ. Ma ɔbéle mí tsú móttó? ²⁵ Táme anɪ Wíe Yesu Kristo su ndɛ Bulu ɪpán da ání alalé mí!

Mí klɔntɔ mó á, tekɪ ndekléá nóbwe Bulu mbla ámʊ ɔkpábi. Táme tsiátó lalahɛ amóú ɪbu mitɔ ámʊ lahá nabwé lakpan ɔkpábi mboun.

8

Nkpatsiá Dínká Bulu Ɖhé Ámvo Asónsú

¹ Iní sv séi á, Bulu méétrá ha ahá ání amúa Kristo Yesunyɔ babwé kule ipón. ² Tsúfé Kristo Yesu sv Ɖhe Wankíhé túmi ání itehá nkpa lahá anlagyi iwí tsú lakpanbwe múa lowu ibitɔ. ³ Mose Mbla ámvo métalí lé aní tsú aní lakpantɔ. Tsúfé aní tsiátó dada amúv itehá anitɔbwé lakpan ámvo imeha animégyí mbla ámvo atosunáhésɔ. Táme Bulu lótsun ɔkpa pɔpwesv hɔ aní. Ɖlɔwa mv Bi onutó lébá fé nyankpɔsa ání ɔtɔbwé lakpan, táme mv mó ɔmɔbwe lakpan. Bulu lótsun mv lowusv mó aní tsiátó dada amúv lakpan legyi músú ámvo. ⁴ Ɖlɔbwe mó ali, méní ní anibuo Ɖhe Wankíhé amvo a, abétalí tsiá tsiátó wankláán amúv tekí mbla ámvo lósuná ámvo, animéétrá tsiá aní tsiátó dada amvo. ⁵ Tsúfé lalahɛ ahá ání tsiátó dada amúv itɔbwé lakpan ide amúsú gyí bɔtɔgywíun. Táme ahá ání bobuo Ɖhe Wankíhé amvo a, tóá Ɖhé ámvo tekle bɔtɔgywíun. ⁶ Ɖhá ání lakpan lagyi mv tsiátósv tenyá lowu tsú mótó. Táme ɔhá ání Ɖhe Wankíhé lagyi musv mó tenyá nkpa múa iwilwii. ⁷ Tsúfé ɔha ání lakpan lagyi mv tsiátósv tolú Bulu. Ɖtamagyi Bulu mblasv, tsúfé ɔméetalí gyi músú ekekεεke. ⁸ Ahá ání lakpan lagyi amú tsiátósv boméetalí gyi Bulu ansí.

⁹ Táme Bulu Ɖhé bv mlitɔ lélé. Mó sv mlíméétrá tsiá mlí tsiátó amúv lakpan legyi músú ámvo. Mlóbwe tóá Ɖhe Wankíhé amvo tekle. Ní ɔku má Kristo Ɖhé ámvo a, omegyí mv kle. ¹⁰ Ibv mótóá lakpan sv mlí nyankpɔsa-oyí ánfí obówu. Táme ní Kristo bv mlitɔ á, mlí ɔkláa bv nkpa. Tsúfé Bulu latsú mlí ání mlí asón da ɔkpa mv ansító. ¹¹ Bulu lókusúa

Kristo tsú afúlito lélé. Mú su ní mu Ɔhé bu mlɛ́to á, mómó ɔ́bɔ́tsun Ɔhé ámusu há mli nyankpɔsa-oyí ámú ibówu ámu nkpa pɔpwe.

¹² Ini su mí apíó, imehián ání abétrá tsiá aní tsiátó dada amu, bwé tóá aní ɔwólɔ laláhe tekle. Mboún lehián ání abóbwe tóá Ɔhe Wankíhé tekle. ¹³ Tsúfé ní mletsíá mli tsiátó dada amuto á, mlówu tsítsá. Táme ní mlɔ́tsun Bulu Ɔhé ámusu kíná mli nyankpɔsa-oyí ámu apé bwe á, mlétsiá nkpa ání itamatá. ¹⁴ Tsúfé ahá ání bahá Bulu Ɔhé de amó kpa gyí Bulu abí. ¹⁵ Megyí Ɔhé ání íbéha mlóbwe nkpábi, tsíá nyá ifú Bulu lópɔwá mlɛ́to. Mboún Ɔhé ámu lóbwe mli Bulu abí. Ɔhé ámu su anitetalí su kpolí Bulu aniaa, “Abba, mí Sí!” ¹⁶ Ɔhé ámu totsúlá há aní ání lélé á, Bulu abí angyí. ¹⁷ Ní Bulu abí angyí á, mómó angyí mu ató agyípo. Ania Kristonyɔ obégyi mu ató. Tsúfé ní awun Kristo ipian ámu ku á, mómó abénya mu numnyam amu é ku.

Numnyam Aní Abénya Ekekó

¹⁸ Ní neki numnyam ání ida gyo aní, Bulu ɔbéle súná aní á, ipian ání anidéwúun bré ánfɛto ɔmɔ́ɔn mú ɔ́tinɛtɛne. ¹⁹ Bulu atɔ bwehé féé buhíé bude ɔkpa kí ha ekeá Bulu ɔbéle mu abí numnyam ɔwan. ²⁰ Tsúfé Bulu atɔ bwehé féé lasí ida keke. Megyí mú onutó apé igyi. Mboún molóbwe mú alí, íha mu atɔ bwehé féé íkí ɔkpa ²¹ ání ekekó á, ɔbéha amú féé bégyi íwi, buméetrá yintá ekekekeke. Mu atɔ bwehé ámu íbénya mu abí íwígyí pó amú numnyam amu ku. ²² Aniyin ání bɔtu nde á, Bulu atɔ bwehé féé íde íwɔ́ɔsɔn wúun. Ídekímí fé alíá íkwíu todwíín ɔtsi. ²³ Megyí Bulu atɔ bwehé ámu nkole dékímí. Aní

ámú alapó mu Ɖhé, igyi mu atokiehé gyankpapu wá anító ámu é anidékimí aní klɔntɔ. Anihíé anitsie anigyó ekéá Bulu ɔbéha aní nyankpɔsa-oyí áfi obégyi iwí, ɔbóbwe aní mu abí. ²⁴ Tsúfé ɔkpakí anfi su ɔlɔɔ aní nkpa. Butamakí tóá fóbɔ ɔkpa, tóá fuma ɔkpa buteki. ²⁵ Ní anidé tóá animá ɔkpa kí a, anitenyá klɔn tsíá gyo mó.

²⁶ Ɖhé Wankíhé amu tetsá aní aní pɔntɔ. Tsúfé animéyín alíá abókólí Bulu ató, ibégyi mu ansí. Ɖhé ámu onutó tehié kímí pókólí Bulu ató há aní, don alíá aní onutó abétalí. ²⁷ Bulu yin ɔhagyíɔha klɔntɔ asón. Mó su oyin mu Ɖhé ámu agywun. Tsúfé Ɖhé ámu tokókólí Bulu há mu ahá alíá Bulu onutó dé mó klé.

²⁸ Aniyin ání Bulu tehá tógyító tɔwá alé há mu adwepó. Amógyí ahá ání mu onutó ɔleti mu nhíhé ɔnó ní. ²⁹ Tsúfé ahá ámu Bulu yin yaí ámu a, amó ɔlele. Ahá ámu ɔlele ámu ɔleti ɔbéé, bubélian mu Bi ámu. Fówun mu Bi ámu ɔbóbwe ɔdéhɛn mu abí tsɔtsɔtsɔtɔ. ³⁰ Ahá ámu Bulu yin yaí dodo amu ɔleti. Ahá ámu ɔleti ámu olotsu ání amó asón da ɔkpa mu ansító. Ahá ámu olotsu ání amó asón da ɔkpa ámu ɔlɔwa numnyam.

Yesu Bulu Ɖdwe Ɖwanle

³¹ Amansu anitráa aníbu blí tsú íni iwí? Ní Bulu bu aní wá á, ma ɔbétalí kósó lí anisv? Ɖhaa má inu!

³² Bulu mékiná mu onutó mu Bi ámu si há lowu aní fée nwunsv. Olesi mu há faan. Nkálí sɔ ɔmɔɔpu ató tráhe fée tsía mu Bi ámu tɔ há aní? ³³ Ma ɔbétalí ká asón dínká ahá ámu Bulu lalé ámu sv? Bulu lóó? Ekékeké! Mvgyí ɔhá ání alatsú aní ání aní asón da ɔkpa mu ansító. ³⁴ Ma ɔbétalí há aní ipón? Ɖhaa má inu! Tsúfé Kristo Yesu gyí ɔhá ání olobowu há aní, Bulu lókusúa mu tsú afúlitɔ. Alayó otsie

Bulu gyapɪsu, ɔde mo kokóli anɪ nwunsv. ³⁵ Ma ntée ntɔ ɔbétalí títɪ anɪa Kristonyɔ nsíné ɔdwetɔ? Asun wunhe lóó, ntée ikplán? Ní budɪn anɪsv lóó, ntée akón? Yayá natí lóó, ntée lowu? ³⁶ Tsúfɛ bɔwanlín wá Bulu asun wanlínhé amɔtɔ beɛ,
 “Fó sv buɔde anɪ mo ekekegyíeke.

Buɔde anɪ kí fé akúfa ání bapó beya ɔmɔkpá.”

³⁷ Táme ínɪ féétó a, ɔdwe ámúú Kristo bu ha anɪ ámv sv anɪlagyi sv dáfá. ³⁸ Tsúfɛ nhíé nyin ání tɔtɔ méetalí ká ɔdweá Bulu bu ha anɪtɔ. Lowu o, nkpa o, Bulu-abɔpu o, túmi kugyíkúá ɪtráa de iwíe gyí ɔsúsú o, atɔá ɪbu nv séi pó múbá ɪbéba o. ³⁹ Tógyítáá ɪbu ɔsú pó asɪ ntée ɔsolóú ayasɪ kɔkɔukɔ méetalí ká ɔdwe ámúú Bulu ladwé anɪ tsun anɪ Wíe Kristo Yesusu ámɔtɔ ekekeke.

9

Ahá Aní Bulu Lalé

¹ Mía Kristonyɔ anɪlabwé kule. Mó sv ɔnɔkwali asón ndɛblí séi. Ɔhe Wankíhé dé mí kpa. Mó sv mí klɔn é de mí bláa ání mmedé afunu wa. ² Mí pi Israelfɔ sv asón ihíé de mí háan, ahumɪtɪá ɪmeká ɪtin de mí. ³ Ní ɪbówa aléá nénya ɪlwí, mía Kristonyɔ nsíné béyintá, ménɪ bénya nkpa ání ɪtamatá kóráá á, tekɪ nɔpu ɪwɪ há. ⁴ Mí pi Israelfɔ gyí ahá ání Bulu léle póbwé mv abí. Amó ɔlele mv numnyam súná. Ɔleka ntam há amú, pó mv mbla wá amú ɪbɪtɔ. Olosuná amú ɔkpa ání bɔpɔtswɛ mv. Ɔlebláa amú tɔá alahíé ání ɔbɔpuhá amú féé. ⁵ Amú léln tsu Israelfɔ anáin akpɔnkpɔntɪ ámɔtɔ. Múbá ɪɔvn kóráá á, amútó Kristo amv lébelɪn ɔsolóú anɪsv. Kanfó letsɪá Kristo, (ɔhá ámúú Bulu ladá mv ofúli amv), ogyi Bulu, ató féésú ogyípó amv bré féétó! Amen!

⁶ Ini imosuná ání Bulu asón ámóú òlèblí tswi amu iméeba mótó. Tsúfè megyí Israelfò ámu fèé gyí Israelfò onutónutó. ⁷ Megyí Abraham abí fèé gyí mu abí onutó. Tsúfè Bulu lébláa Abraham òbèé, “Isaktò fú abí-aná bédalí tsu.” ⁸ Ini lósuná ání megyí ahá ání botsú Abraham abí fèétó gyí Bulu ahá. Abraham abí-aná ámóú Bulu léhié há mu amu nkùle gyí Bulu ahá. ⁹ Tsúfè tóá Bulu léhié Abraham gyí, “Néyinkí bá ofiébá sesebré. Néba a, fú ká Sara lakwíí obiýmí.”

¹⁰ Megyí ínì wùle. Rebeka lókwíí atabí há anì náin Isak. ¹¹ Táme bréá òmòkónyá kwíí amó, abudan bí yilé ntée lalahébwé á, Bulu lébláa Rebeka amó iwí asón. Bulu lóbwé mó alí, ménì ibósuná anì ání òkpa ámóú òtòtsun mósú hò ahá ámu imená anì bwéhésó. Mboún ina mu nkùle pé apé pú alíá òtelé mu ahásv. ¹² Asa Rebeka òbókwíí nyebí ámu a, Bulu lébláa mu òbèé, “Òdéhén obósum òkusu.” ¹³ Fè alíá bōwanlín wá Bulu asun wanlínhé amutò bée, “Ntòdwé Yakob òun Esau.”

¹⁴ Séí á, nkáì abéblí? Abéblí aníaa, Bulu asón mēda òkpa lóó? Èkèkèkè! ¹⁵ Tsúfè Bulu lébláa Mose òbèé, “Ahá ání nówun amó nwé á, amó nówun nwé. Amóá nahíéá négyi buale a, amó négyi buale.” ¹⁶ Mó sv megyí òha apé ntée mu nsiwa Bulu tēkí. Mboún mu onutó nwewúun igyi. ¹⁷ Bōwanlín wá Bulu asun wanlínhé amutò bée, Bulu lébláa Egipte owíe Farao òbèé, “Atoku anyò ánfì sv neyaí fú iwíe, alíá nótson fusu lé mí túmí súná, pú alíá òyító ahá fèé bónu mí dá, kanfó mí.” ¹⁸ Inì sv ní Bulu òhíé ání obówun òku nwé á, otowun mu nwé. Ní òhíé ání òbéha òku òbówa klontò odwin é á, òtēhá mu òtòwá klontò odwin.

Bulu Ɔblɔnya Pɔ Mv Ahá Nwewúun

¹⁹ Mlito ɔku ɔbéfité ɔbéε, “Ní alí igyi ní mó á, ntogyi só Bulu dé nyankpɔsa ipón ha? Ma ɔbétalí tin Bulu ɔkpa?” ²⁰ Táme nde mli fité mbéε, fúgyi ma ání féle Bulu ilá? Ɔlɔ ɔbétalí fité mv ɔpwεpɔ ɔbéε, “Ntogyi su fapwé mí alí?” ²¹ Alíagyíalíá igyi á, ató ɔpwεpɔ tɔpú obón pwé tɔá odeklé. Ɔbétalí pɔ obón ipin kole pwé nlonyɔ. Ɔbɔpu kole bwé ɔlɔ nu ntsu, kpá nsúó wá kuletɔ.

²² Alí kén igyi há Bulu ní. Ɔbu ɔkpa lé mv ɔblɔ súná, méni ahá bówun mv túmi. Táme ɔlehiε nyá klɔn há ahá ámúú olenya ɔblɔ amósú amv. Teki ilɔfon ání ɔbéhi amó. ²³ Bulu bu ɔkpa lé mv numnyam kpɔnkpɔnti ámv ɔwan ahá ámúú ɔlele yáí ání obówun amó nwe, ɔwa amó numnyam amvsv. ²⁴ Anigyí ahá ámúú ɔlele yáí ámv ni. Megyí Yudafo nkuletɔ ɔlele ahá. Ɔlele ahá ání bɔmegyí Yudafo aku é. ²⁵ Bulu lébli mv ɔnósú ɔtɔípú Hosea ɔwulótɔ ɔbéε, “Néti ahá ámúú teki bɔmegyí mí ahá ámv mí ahá.

Ahá ámúú teki ntamakle amó asón ámv ɔbóbwe mí adwεpɔ.

²⁶ Ɔtíné ámúú teki nebláa amó mbéε, ‘Megyí mí ahá mligyí’ ámv a, unɔfo néti mbéε, ‘Bulu Ɔkiankpapɔ abí’ ní.”

²⁷ Bulu ɔnósú ɔtɔípú Yesaia lókplɔn bláa Israelfɔ ɔbéε, “Ní Israelfɔ bekléí fé ɔpu ɔnó isi kúráá á, amótɔ ahá kpalobí pé nńhɔ nkpa. ²⁸ Tsúfé ɔbisasv aní Wíε obégyi ɔyítɔ ahá féé asón, búa mó wankláán.” ²⁹ Tsúfé Bulu ɔnósú ɔtɔípú Yesaia légyankpá wanlín wá Bulu ason wanlínhé amvɔ ɔbéε, “Ní mí Wíε Bulu, túmi féé Owíε mési aní abí-aná aku yáí á, teki aní féé abéhi fé Sodom móa Gomorafɔ.”

Israelfɔ Bulu Máhogyi

³⁰ Nkálì anidéblí ngya? Anidéblí aniaa, ahá ámúú bume gyí Yuda fɔ ámú bómábo mbódí kuku, asa Bulu léha amó asu! Hógyi sù benya mó. ³¹ Táme Israelfɔ ámúú amó ansí lere, bude mbla ámúsu gyí, Bulu zha amó asu ámú bometalí. ³² Ntogyi su? Tsúfé bumepe ansí pú hógyi dúnká mó. Ilobwe amó fé mbla ámúsu gyí su Bulu obótson ha amó asu. Iní su bosutiin “Ibwi ámúú itelé ahá dá” ámúsu dída kpla. ³³ Ibwi ánfɔ iwɔ asón bwanlín wá Bulu ason wanlínhé amúto beɛ, “Bulu obéɛ, ‘Mlíki!

Ndepu Ibwi* tswɔ Sion wúlutɔ.

Ahá bósutiin ibwi ámúsu dída.

Péli méekítá zhagyí zha ání zloho mu gyi.’ ”

10

¹ Mí apíó, tóá ntekle mí klontɔ, pú mpái ání ndebo gyí, Bulu obóho mí ahá Israelfɔ. ² Nétalí gyi amó iwɔ adánsie mbéɛ, amó ansí lahíé pé Bulusúm iwɔ, táme bume yín zka ání bótson mósú súm mu wankláán. ³ Tsúfé bume yín zka ání Bulu tótson mósú há ahá asu. Mó su beyrí iwɔ bude amó zka dunká, méni bégyi asu Bulu ansító. Mó alí su bumeba iwɔasi há zka ámúú Bulu tótson mósú há ahá asu ámu. ⁴ Znokwalí amu gyí, Kristo lómɔ Mose Mbla ámu féé zno. Mó su zhagyí zha ání zloho mu gyi obégyi asu Bulu ansító.

Nkpa hóo Bu Inw Há Zhagyí zha

⁵ Mose lówanlín tsú zhagyí zha ání zteki mbla ámu ání mósú Bulu obótson tsu mu ání mu asón da zka iwɔ obéɛ, “Zhagyí zha ání otegyi mbla ámúsu obótson mósú nyá nkpa.” ⁶ Táme hógyisu butótson gyi asu Bulu ansító. Bulu ason wanlínhé amu léblí

* **9:33** Ibwi ámu gyí Kristo.

ὁβέε, “Máfíté ιωι φεε, ‘Ma ὁβόδν γό ὁσόςú?’ ” (Fefíté alí á, ilosuná ání fýγῶρν Kristo tsúa ὁσόςú ba.) ⁷ Ntéε fíté ιωι φεε, “Ma ὁβέκplí γό ὁσολόυ ayasi?” (Fefíté alí á, ilosuná ání fýγῶρν Kristo tsúa afúlitῶ ba.) ⁸ Mboún asón ání Bulu ason wanlínhé amv léblí gyí, “Bulu asón ámv ima ifó fú wá. Ibv fú ὁνός, ibv fú klvntῶ dodo.” Asón ámv gyí hógvi asón ámvú anidéblí ámv ni. ⁹ Ní fobwíí ὁνός blí φεε, “Yesu gyí aní Wíe,” fῶpú fú klvnt fée hogvi ání Bulu lókvsúa mv tsú afúlitῶ á, Bulu ὁβῶhῶ fv nkpa. ¹⁰ Tsúfé iklvnt ὁha τῶpúhῶ Kristo gyí. Fówun Bulu obótsu mv ání mv asón da ὁkpa. ὁνός é ὁha τῶpúblí ὁβέε, Yesu gyí mv wie, méní Bulu ὁβῶhῶ mv nkpa. ¹¹ Alí kén Bulu ason wanlínhé amv léblí ὁβέε, “Péli méεkitá ὁhagyíῶha ání ὁlῶhῶ mv gyí εκεκεεεε” ní. ¹² Iní sv imefáhvnt ání Yudayin fvgvi, ntéε fvme gyí Yudayin. Tsúfé owíe ὁkvlε pé así amó fée bobv. ὁβῶpυ mv yilébwε gyí ahá ání bosu kpolí mv fée bvale. ¹³ Alí kén Bulu ason wanlínhé amv léblí ὁβέε, “Ὀhagyíῶha ání otosu kpolí aní Wíe obénya nkpa” ní.

¹⁴ Táme nkáli bétalí sv kpolí ὁhá ání bvmῶhῶ mv gyí? Nkáli bétalí hῶ ὁhá ání bvmῶkónú mv ιωι asón gyí? Nkáli bónu mv ιωι asón ní ὁhaa méda mó ὁkan súná amó? ¹⁵ Nkáli bétalí dá mó ὁkan súná amó, ní bvmῶkῶwá amó? Bulu ason wanlínhé amv léblí ὁβέε, “Thíé bv akíle ání fówun ání ὁha ὁbá beda Bulu ason wankláán ὁkan!” ¹⁶ Táme megyí Israelfῶ fée lῶhῶ Bulu ason wankláán ámv. Tsúfé Bulu ὁnósῶ ὁtῶípú Yesaia lówanlín wá mv ὁwvlótῶ ὁβέε, “Mí Wíé, ὁhaa móhῶ aní ason blíhé amvsv gyí.” ¹⁷ Táme ason wankláán ámv téhá butohogvi. Ina Kristo asón ánví blísú ahá bvtónú mv asón. Mó nu só ahá butῶhῶ mv gyí.

18 Mbéε, bεε nú bɔmonu asón ámv? Bonu! Tsúfé Bulu asɔn wanlínhé amɔ léblí ɔbéε,
 “Amó ɔmε lawíé ɔyító féeé,

ámú asón é lawíé tsútsúútsú.”

19 Ntráa fitε. Israelfɔ bɔmonu mv asón asi? Múá Mose lébláa amú gyankpapɔ gyí,

“Bulu ɔbéε, ‘Nópu ɔmá ání bɔmegyí Israelfɔ wá mli ansipεε.

Nóyulá ɔmá mímláhe pówá mli ɔbló.’ ”

20 Bré bambátó a, Yesaia lówa klɔn bláa amú ɔbéε,
 “Bulu ɔbéε,

‘Ahá ání bɔmedé mí dunká lémentí mí.

Ahá ání bɔmefité mísú nele iwí ɔwan súná.’ ”

21 Táme Israelfɔ ámv mú á, Bulu léblí amú iwí asón ɔbéε, “Iná natéi ibító bré féeé ání nóhɔ amú atúu ó á, bɔtráa bɔde asɔtɔ-ɔnlɔn wa. Bɔmedé mí bu.”

11

Bulu Israelfɔ Nwewúun

1 Nde mli fité mbéε, mú sv Bulu lakíná mv onutó ahá léle? O-o! Mí onutó ánfí óó Israelyin ngyi. Abraham abí-anátó notsú. Benyamin abusuantɔ obí ngyi. 2 Megyí bεε Bulu lakíná mv onutó ahá amú ɔlele amú yáí ámv. Mlikain ali ámú Bulu asɔn wanlínhé amɔ léblí tswi ɔbéε, Bulu ɔnósú ɔtáipú Elia lékla Israelfɔ iwí asón súná Bulu amɔsv. 3 ɔbéε, “Mí Wíé! Israelfɔ bamó fú ɔnósú ɔtáipú féeé. Babwíé fú afɔdiε-asubwi é féeé. Ulasí mí nkɔkónó nkɔle. Bɔdekléá bómɔ mí é.” 4 Bulu léha Elia mbuai ɔbéε, “O-o! Megyí fú nkɔle lásí. Tsúfé nalé ahá mpím-sienó (7,000) ání bɔmɔkútswe ɔkpi Baal* kí há mí iwí.” 5 Ali ígyi nde nke ánfítɔ é ní. Bulu lawá awítɔle

* **11:4** Baal gyí ɔkpi ɔkɔá ahá ámú begyankpá tsía ɔsolúu amɔsv asa Israelfɔ beba betsiá unɔ ámv bosúm.

lé Israelfo kpalobí aku yáí. ⁶ Ní alawá awitole lé aha aku á, mómó itráa megyí oha bwehé su obéle mu. Tsúfé ní ina ahá bwehésó mú á, teki mu awitole amu ilesian.

⁷ Mú nkálu ilegyi? Israelfo ibi meda itó ámóú bepe ansí bodedunká ámu. Amótó ahá kpalobí akvá Bulu léle yáí nkule ibi léda mú. Oleha atráhe bowa asuto-onlin bréá ode ahá ti. ⁸ Bulu ason wanlínhé amu lébli obéé, “Bulu léha ilelin amó owóli. Mú su bóto nde bumetalí pú amó ansíbi wun ató, pú amó asu é nú asón.” ⁹ Owíe Dawid é lébli obéé, “Amó odwe ogyíkpa ibwée mpúsa abuda mótó. Ibwée agbláa, ikpa kita amó.

Ibwée ima, abusrei dida mótó, ibwe isubití ha amó.

¹⁰ Ansító iklún amó, ménì buméstrá wun ató. Ha abutsia ipiantó bré fée.”

¹¹ Mú su ntráa ndefitè mbéé, Yudafó basréí dida, buméetalí trá kusú? Ekεεεεε! Amó lakpan su Bulu lóhó ahá ání bumegyí Yudafó nkpa. Fówun ipe amó ansí. ¹² Séi á, aniyin ání Yudafó lakpan sù omá fée banyá ató wankláán. Amó dida lawá labi há ahá ání bumegyí Yudafó. Ní belányá nkpahóó mú á, mómó labi ání ahá ání bumegyí Yudafó bénya ima blító.

Ahá Aní Bumegyí Yudafó Nkpahóó

¹³ Ahá ání mlimégyí Yudafó, mli nde asón ání bláa ngya a. Kristo sumbí oyópú ngyi. Olowa mí sumbí mli wá. Mí gymagyihe legyi mi ansí. ¹⁴ Fíali nétalí há mí ahá Yudafó ansí bépe, fówun Bulu obénya okpa hó amótó aku nkpa. ¹⁵ Bréá Bulu lédamlí oma há Yudafó á, ileha omá atráhe fée bóbwe Bulu anyawíe. Ní igyi ahi mú á, brégyíbréá

Bulu obóhó amó é á, íbóbwe fé afúli féé bakósó tsú afúlitó.

¹⁶ Ní belé tókútó gyankpapu há Bulu igyí a, mómó itó ámu féé igyi mu kle. Ní Bulu bú oyí nín á, idesuná ání oyí ámu abámbi é igyi mu kle.

¹⁷ Bekpalí oyí bámbi pú bambá tsá mósú. Yudafó gyí oyí ámu. Mli ahá ání mlimégyí Yudafó gyí bámbi bambá amúú bapó betsa mósú ámu, méni mlénya oyí ámutó ntsu wankláán ámu ku. ¹⁸ Mú alí sù á, mlimákí mliaa mli dón oyí ámu onutó abámbi amúú Bulu lékpalí lé ámu. Mlimátsu íwí amó ansító, tsúfé oyí ámu nín tamanu ntsu lé mliótó. Mli mboún tonu ntsu lé mótó pódan.

¹⁹ Fíalí mli akú mléblí mliaa, “Bekpalí abámbi amu, méni aní é abénya oyíkpa.” ²⁰ Íbu mótó alí. Itsú alíá Israelfó bómohogyi sù Bulu lékpalí amó tsítsá. Mli é mli hógyi sù Bulu lapó mli tsá mósú. Mú sù mlimáha nwuntó íwa mli odwé. Mliha ifú ikita mli.

²¹ Tsúfé Israelfó amúú bogyi oyí ámu onutó abámbi kóráá bóbwe lakpan, Bulu lébití amó ísu, mú mli?

²² Séi á, mliawun ání Bulu bu awítale, táme mu asón bu onlín. Óbu onlín ahá ání badída hógyitáso. Táme alawá awítale há mli. Óbówa awítale há mli ní mli ansí dín mósú. Ní megyí alí á, obébití mli ísu mli é.

²³ Táme ní Yudafó amúú besi mu hógyi amu beyinkí bóbó mu gyi a, Bulu obélapó amó tsá oyí ámósú. Tsúfé óbu túmi ání obéyinkía amó tsá. ²⁴ Mli ahá amúú mlimégyí Yudafó ámu mú á, oyí laláhe bámbi mligyí, bapó mli tsá oyí ámósú. Tekí ima ínu alí. Israelfó mú á, oyí wankláán ámu onutó abámbi bogyi, bekpalí amó tsítsá. Mú sù amó yinkia yi mú yintisú móowa onlín há Bulu.

Bulu Towun Ahá Féé Nwe

25 Mí apíó, asun ηαίνhé kv bu ινωά ndekléá mlíbú, ménι mlíméeki mlι ιωι άνι mlilétin ansí dóbι. Asón ámv gyí, Yudafó ámv akv búbv asvto-ωνln. Bówa asvto-ωνln alι βafvn bréá Bulu lahá ahá άνι búmegyí Yudafó féé baba mv wá. 26 Mú oμα a, Bulu obóhó Yudafó féé nkpa. Bulu asón ámv lébli obéε,
 “Sion wúlutó Nkpa Ohópυ amv obélin tsu.

Obéba beha Yakob abí-ανά féé bési lalahε bwε.

27 Inι gyí ntam άνι néka há amó
 bréá néλε amó tsú amó lakpantó ní.”

28 Iniá Yudafó ámv búmōhó asun wankláán ámvsv gyi sv á, bemlí Bulu alupó, ménι ibówa labi há mlι ámvú mlímégyí Yudafó ámv. Táme iniá bvgyi ahá άνι Bulu léλε sv a, amó anáin sv otekle amó asón.

29 Ní Bulu olé okv ntée opó mv atokiehé há okv á, otamatráa tse mv agywun. 30 Bré kvto á, mlι άνfi mlímégyí Yudafó άνfi mlímóbu Bulu. Táme séi á, Yudafó búmedé Bulu bu. Mú sv Bulu lawun mlι nwε. 31 Alι kén Bulu obéba bowun Yudafó ámvú búmedé mv bu ámv é nwε fé alíá alawun mlι nwε ní. 32 Tsúfé Bulu lótsu mú άνι ahá féé búbv asvto-ωνln, alíá íbóbwe obówun amó féé nwε sv.

Mliha Akánfv Bulu

33 Oo, mlíkι Bulu awítale wvle! Mv nyánsa pú mv asónbι ma oká! Ma obétalí bí mv okpa pú mv asóngyító? 34 Bówanlín wá Bulu asun wanlínhé amvto bεε,

“Ma yín anι Wíε nwuntó?

Ma obétalí súná mv asón? Ohaa má ιnv.

35 Ma lápú tókv há mv, oδε okpa kíúá obélaka mv íkó?”

36 Bulu lóbwe tógyító. Mvbú tógyító. Tógyító bv ιnv há mv. Kanfú íbwéε mv kle bré féétó. Amen!

12

Tsiátóá Bv̄təp̄sum Bulu

¹ Iniá Bulu híé ɔde anɪ nwe wúun alɪ sɔ á, mí apíó, nde mli kokóli mbéé, mliɔv mli iwɪ fée ha Bulu mli nkpatɔ. Ibwée fé igyí aható wankíhé ha mv. Inɪ gyí osum ání itsú klɔntɔ, ilegɪ mv ansí ní. ² Mli máha ɔsólóv anfisɔ atsiábi igyí mli sɔ. Mli ha Bulu ɔtse mli agywun, iha mli tsiátó itse. Fówun mlétalí bí ání Bulu apé bv̄ alé, ibv̄ ɔdwe, ɔɔvɔn.

³ Bulu agyómá ámúú alawá awɪtɔle púhá mí ámvsɔ nde mli tɔ okugyíɔkv bláa mbéé, ɔhaa máki mv iwɪ dáfá alíá ogyí. ɔhagyíɔha ɔbá ansí asɪ, ɔki ání ɔmɔɔvɔn hógɪ amúú Bulu lapúhá mv amv. ⁴ Nyankpɔsa-oyí iwɪ ató anɪ fée anigyí. Ntobí ámɔtɔ kugyíkv bv̄ mú gyvma ání itegyí nyankpɔsa-oyí ámvsɔ. ⁵ Alɪ kén ibv̄ mótó ání anɪtsó, táme anɪa Kristonyɔ anɪlabwé ɔv̄lɔv̄ ɔkvle nɪ. Mú sɔ anigyí ntobí ɔtsan-ɔtsan ání anɪtsátsáa abasɔ, anɪlóbwe ɔv̄lɔv̄ ɔkvle amv. ⁶ Bulu atokiehé ámúú ɔleha anɪ ámv ina ɔtsan-ɔtsan. Ilehíán ání anɪ fée abópv̄ mv atokiehé ámv yó agyómá ató ámúú ɔleha anɪ ámv ɔnó. Mú sɔ ní ɔkv atokiehé gyí Bulu ɔnó asónblí á, ɔhá ámv ɔbwée mú alíá mv hógɪ losuná mv. ⁷ Ní ɔkv klé gyí mv aba ahógyipv̄ bv̄á a, ɔbóa amó. Ní ɔkv klé gyí ató suná á, osúna mú. ⁸ Ní ɔkv klé gyí ahá atetɔ-ɔnlɪn wa á, ɔwá ahá atetɔ-ɔnlɪn. Ní ɔkv é klé gyí ató kie á, ɔlé iwɪtɔ okie mó. Ní ɔkv klé gyí ahá ɔnó líí á, ɔwáa nsi ɔbwe mó. Ní ɔkv klé é gyí ahá nwe wúun a, ɔbwée mú ɔdwetɔ.

⁹ Mli dwe ahá tsu mli klɔntɔ. Mli kisi lalahɛ kugyíkv. Mli kɪta yilébwetɔ kínkínkín. ¹⁰ Mli ha mli ansí ipɛ mli aba Akristofɔ dwesɔ, amli bu aba

wankláán. ¹¹ Mlímáha mli nsiwa bwé ató onó iba asi. Mliha ɔɣe Wankíhé amv ɔwa mli ɔwɔnlín, amlisum aní Wíe. ¹² Mli ɔkpakú amv sv mlinya ansigyí, amlilu kínkín mli ipiantɔ. Mlibɔ mpái bré fээ́tɔ. ¹³ Mlibva mli aba Bulu ahá aní bobv ikplántɔ. Mliyiri iwí hɔ afɔ́ɔ.

¹⁴ Mliyula ahá aní bodin mlisu. Mliyula amó, mlímálwí amó. ¹⁵ Ní aku budev ansigyí nya á, mlia amónyɔ mlinya ansigyí. Ní aku budesú é á, mlia amónyɔ mlisu. ¹⁶ Mli fээ́ mlitsia wankláán. Mlímátsu iwí. Mlipv iwí manta ahá aní ahá bɔtamabú amó. Mlímákí mli iwí aní mlidɔn aku.

¹⁷ Ní ɔkv ɔpó lalahɛ gyi mli á, mlímápv lalahɛ ká mv ikɔ. Mlibɔ mbódí amlibwɛ tɔ́á ibv aléá ahá fээ́ bótsulá dínká mósú. ¹⁸ Alíagyíalíá igyi mli mó á, iwilwii itsía mlia ɔhagyíɔha nsuné. ¹⁹ Mí apíó adwɛpú, mlímápv lalahɛ ká mli aba ikɔ. Mlisi tógyítɔ ha Bulu. Tsúfɛ bɔwanlín wá Bulu asón ámvɔ bɛɛ, “Bulu ɔbéɛ, ‘Mí, mli Wíe téká ikɔ. Mí ɔbéka ahá akɔ amó lakpan sv.’ ” ²⁰ Bulu asvɔn wanlínhé létrá blí ɔbéɛ, “Ní akón de fú olupó á, ha mv ató ogyi. Ní ɔmɛwóli de mv a, ha mv ntsu onu. Ní fɔbwé mó alí á, íbɛha péli békítá mv ɔbétɛ.”*

²¹ Mlímáha lalahɛ igyi mlisu, mboún mlibwɛ yilé pógyi lalahɛsv.

13

Iwiasíba Ha ɔmá Akpapó

¹ Ilehían aní ɔhagyíɔha ɔbéba iwiasí há ɔmá akpapó. Tsúfɛ Bulu téhá ɔmá akpapó túmi. ɔmá ɔkpapó ɔkvkv má mvá megyí Bulu léyaí mv. ² Iní

* **12:20** Igyi fé fakpá ogyá wólí mv ɔtántra.

su ní òkú òkósó líí òmá òkparó òkusu á, alakósó líí Bulu túmisu. Mú su òhá ámu dé isobití klé ha iwí. ³ Tsúfè òmá akparó bumegyá yilé abwepó, lalahé abwepó bugya. Mú su ní fumedékleá fonyáa òmá akparó ifú á, mómó bwe yilé abukanfu fú. ⁴ Bulu osúmbi òhagyíòha ání bapó mu yáí òmá ònó gyí. Mli yilé su bude agyómá yò. Táme ní òkú dé lalahé bwe á, mómó obénya amó ifú, tsúfè bubu òkpa bití ahá isu. Bulu asúmbi bugyi, òleha amó òkpa ání bubítí lalahé abwepó isu ha mu. ⁵ Iní su òhagyíòha òbá iwíasi ha òmá akparó. Megyí beé bude ifú nya ání bébití amó isu nkule su. Mboún amó klòn dé amó bláa òbéé, ilehián ání bóbu amó.

⁶ Iní kén só ilehián ání mléka tswitswí é ní. Bulu asúmbi òmá akparó bugyi. Bapó amó bré fée bude òmásó kí. ⁷ Mlika ikò kugyíkúá idin mlisu. Mlika tswitswí múa lampóo. Obú òkpasu á, mlibu amó fée. Ní igyi kanfú é á, mlikanfu amó fée.

Abadwe

⁸ Mlimákítá òhaa ikò dùn mli abadwe. Ní òkú dé mu aba dwe á, òde mbla ámu féesó gyí. ⁹ Mose Mbla ámu léblí òbéé, “Mátò mbua.” “Mámò òha.” “Máwi ató.” “Mápe ansí fú ba atósó.” Iní pò mbla tráhe amu fée nwun gyí mbla kule ámúú ileblí òbéé, “Dwe fú bá fé fú iwí” ámu. ¹⁰ Ní òkú dé mu ba dwe á, òmòpòpò lalahé gyi mu ekekekeke. Iní su òhá ání òtòdwé mu aba lagi mbla ámu féesó.

¹¹ Mli onutó mliyin bré oduátò aníbu. Bré lafon ání mlétsinkí, tsúfè aní nkpahóò lafon ta dùn bré ámúú anilégyankpá hò Kristo gyi amu. ¹² Onyé detsòòn, òyí lake ta. Mú su mliha asi oklúntò bwehé fée bwe, atsu aní òyi kehetò akotó tsan. ¹³ Mliha aní tsíátò ibwe fé ahá ání butsie wankítò. Mlimáha

ayinta anı bré yetsiá ɔdwe ogyikpá, anidé atɔ dedé gyí, anidé ntá núu bu. Anımáwa atsi móa ayin asón. Anımáwa ɔnsípe, anımátre kó. ¹⁴ Mboún mlıpv anı Wıe Yesu Kristo tin mlı ıwı. Mlımátrá tsiá tsiátó dada amúb mlı ɔwólı laláhe tekle amv.

14

Akristofɔ Ilále Ɔkpa Laláhesv

¹ Mlıhɔ mlı aba Akristofá buma ɔwunlın hógyıtɔ wa mlıtɔ. Nı bɛɛ tɔkv bu alé ntée ima ale a, mlımágyi amó nwéen. ² Ɔkv lóhogyi anı ɔbu ɔkpa gyi tógyító, támɛ ɔkv é hógyi ɔnó ima ɔnlın. Mú sv ɔtamagyi iye. ³ Ɔkpa má ınvá ɔhá anı otegyi tógyító ɔbéle ɔhá anı ɔtamagyi tɔkv ılá. Alı kén ɔhá anı ɔtamagyi tɔkv é ɔmále ɔhá anı otegyi tógyító ılá ní. Tsúfé Bulu lahɔ amó. ⁴ Fúgyı ma anı féha ɔkv osúmbi pón? Mv wie nkule pé búv ɔkpa anı ɔbéblı ɔbéɛ, otsie wankláán ntée ometsie wankláán. Ɖbétalı tsiá wankláán, tsúfé Bulu ɔbétalı há mv obétsiá wankláán.

⁵ Ɔkv ɔbétalı blı ɔbéɛ, eke kv dvn mú aba, ɔkv é ɔbéblı ɔbéɛ nke ámv féé igyi kole. Ɖhagyıɔha ɔyó mv klontɔ wankláán, otsu múa ıbv alé. ⁶ Nı ɔkv ɔlé eke ɔkv ɔbéɛ igyi eke yılé á, ɔde mósó gyı pútsú Bulu fúá. Nı ɔkv é tegyi tógyító á, ɔde mú gyı pútsú anı Wıe fúá. Nı ɔkv é tamagyi iye a, mv é ɔde mú kısı pútsú anı Wıe fúá. Tsúfé amó féé bɔtedá Bulu ıpán mósó. ⁷ Anıtɔ ɔhaa métsıe nkpa há mv ıwı, anıtɔ ɔkvkv é móowu há mv ıwı. ⁸ Nı anıtsie nkpa á, anıtsie ha anı Wıe. Awú é á, anılawú há mv. Mú sv ní anılawú o, anıtsie nkpa o, anı Wıe bú anı. ⁹ Tsúfé Kristo lówu, yínkı kúsú ba nkpatɔ, méni ɔbóbwe akıankpapv pú awupú féé Owıe. ¹⁰ Inı sv imehián anı féha fú bá ıpón ntée fékı fú bá ansıtó

kótíkótí. Tsúfè aní fèé abéyélí Bulu ansító, obégyi anító okugyíokú asón. ¹¹ Bòwanlín wá Bulu asón ámuto bεε, “Aní Wíe Bulu obéε, ‘Nanyá mbu nkpa ánfí á,

òhagyíòha obéda akpawunu mí ansító;

òhagyíòha obéle blí obéε, Bulu ngýi.’ ”

¹² Mú sù anító okugyíokú obéle mu asón onó Bulu ansító.

Máha Fú Bá Dídá Mv Hógyitò

¹³ Mú sù mlíha asi aba ilá lε. Mboún abwée agywun ání anímóobwε tótóá íbéha aní bá okuku méεsréi ntée dída. ¹⁴ Séi ínιά namlí Okristoyin sù nabí ání atogyihε kuku má inová mu iwí metin. Táme ní Kristoyin oku lóhógyi ání tóku iwí metin a, mómó mu wá mú iwí metin. ¹⁵ Ní fótégýi tóku, ide fú bá háan a, mómó fú bwehé medé adwε suná. Máha fú atogyihε íha fú bá ání Kristo lówu há mu ofwi. ¹⁶ Mú sù máha tóá fuyin ání íbu alé íbwe tsitsa ahá ansító. ¹⁷ Tsúfè Bulu iwíégýi ámu imegyí atogyihε ntée atonuhε asón, mboún yilébwe, iwílwii pú ansigýi ání itsú Dje Wankíhé amuto asón igyi. ¹⁸ Ohagyíòha ání otosúm Kristo okpa ánfisú á, mu asón tegyi Bulu ansí. Ahá é butobú mu.

¹⁹ Iní sù mlíha aní ansí ípe tóá íbópu iwílwii ba, íbówa apíó aba owonlín hógyitòsù brégyíbré.

²⁰ Máyintá Bulu gymagyihe fú atogyihε sù. Okpa bu inová abétalí gyi tógyító, táme ní oku dé tóá íbéha mu ba obóbwe lakpan bwe mú á, ima alε. ²¹ Ní oku tamagyi iye ku, ntée nu ntá ntée bwé tóá íbéha mu ba obédída á, íbu alé. ²² Mú sù tógyítóá fohogyi tsu ntobí ánfí iwí á, ha mú íbwe fúá fú Bulunyò nsiné asón. Ní oku opúni medé mu tsií mu bwehésú á, mómó okláa lawá mu ogyá. ²³ Táme ní mu klon

mɛdí mv asɪ mv atogyihe kv gyí sv, ogyi mó á, Bulu lahá mv ipón dodoodo. Tsúfɛ mv ató ámv gyí melíí hógyisv. Tógyítáá ɔha mópυ hógyi bwé igyi lakpan.

15

Ahá Ansísú Ató Bwɛ

¹ Ilehían ání anɪ ahá ání anɪ hógyi ɔnó bv ɔnlɪn abénya klɪn há ahá ání amó hógyi ɔnó ima ɔnlɪn. Megyí tóá iletsiá anɪ wɔlɛ abóbwɛ. ² Ilehían ání anɪto okugyíákv ɔbóbwɛ tóá ɪbv alé há mv ba, ménɪ ɪbéha mv ɔbédan hógyitɔ. ³ Tsúfɛ Kristo kóráá móbwɛ tóá mv onutó otekle. Mv ɪwɪ asón bɔwanlín wá Bulu asón ámvto bɛɛ, “Asiabí ámvú besia fú ámv fée ɪlɛbedɪnká mísú.” ⁴ Asón kugyíkóá bɔwanlín wá Bulu asɪn wanlínhé amvto tsú tituti a, bɔwanlín mó ání ɪbósuná anɪ ató, wá anɪ atɛto-ɔnlɪn, atomi ɪ kɪnkíínkín. Fówun abénya klɪn kɪ ɔkpa ha ató ámvú anɪ ansí dɪn mósú ámv. ⁵ Bulu téhá ahá bɔtenyá klɪn. Mvto wá ahá atɛto-ɔnlɪn. Nde mv kvlí mbée, ɔhá amɪbɔwɛ kvlɛ, fɛ alíá Kristo Yesu lósuná anɪ. ⁶ ɪnɪ ɔbéha mlɪ fée mlópυ ɔmɛ kvlɛ kánfó Bulu, ogyi anɪ Wíɛ Yesu Kristo mv Sɪ ámv nɪ.

Ahá Aní Bɔmegyí Yudafɔ Asɪn Wankláán Bláa

⁷ ɪnɪ sv mlɪhɔ aba atúu fɛ alíá Kristo lóhɔ mlɪ, ménɪ ɪbówa Bulu numnyam. ⁸ Tsúfɛ ndɛ mlɪ bláa mbée, Kristo labwé Yudafɔ osúmpó, ménɪ ɪbósuná ání Bulu obégyi mv tó ámvú ɔlɛhɛ amó anáin amvsv. ⁹ Kristo léba, ménɪ ahá ání bɔmegyí Yudafɔ bɛti Bulu ɪdayilé, nɔwɛ ámvú olowun amó ámv sv. Fɛ alíá Bulu asɪn wanlínhé amv ɪlɛblí. Asón ámv gyí, “Anɪ Wíɛ Bulu, ɪnɪ sv nówa fú numnyam ahá ání bɔmegyí Yudafɔ ansító. Nówa ɪv kánfó fú.”

10 Bulu asón ámu létrá blí ðbéε,
 “Mli ahá ání mlimégyí Yudafō, mliá Bulu ahá
 mlynya ansigyí!”

11 Bεtrá wanlín βεε,
 “Ahá ání mlimégyí Yudafō fée, mlikanfu aní Wie
 Bulu.

Omá fée abí, mlikanfu mu.”

12 Bulu ðnósó ðtáipú Yesaia é léblí tswi ðbéε,
 “Oha ðku ðbélyn tsu aní náin Yisai* abí-anátó.
 Mu obébégyí iwíé ahá ání bomegyí Yudafōsu
 ní.

Musó bédinká ansí ní.”

13 Buluá bεteki ðkpa há ogyi. Nde mu kokóli
 mbée, óhá iwí lwii mli, ansí igyí mli amlhō mu gyi.
 Mu Oje Wankíhé óháa mli túmi, méní mu ðkpakú
 móðkrøn mli.

Tóá Svá Paulo Léle Iwito Wánlín Ató Alí

14 Mí apíó Akristofō, mí onutó nhíé nyin ání aha
 wankláán mligyí, mliabí asón tsotsōtsō, mlétalí tói
 kplá aba. 15 Táme nawá kløn nhíé nde mli asón
 bláa ðwoló ánfito pókáin mli. Tsúfé Bulu lawá
 awitole pú agyómá ánfí wá mí íbitō ðbéε mbwée.

16 Múgyí, mbóbwe Kristo Yesu osúmbi ahá ání
 bomegyí Yudafōtō. Mú su nde osum agyómá ánfí yō
 fé Bulu igyí ðhapó. Nde ahá ámóú bomegyí Yudafō
 ámu Bulu ason wankláán ámu bláa, méní bémlí
 igyí aható ání Oje Wankíhé latin mó iwí, ilegylí
 Bulu ansí. 17 Iníá míá Kristo Yesunyō anlabwé
 kole su á, mbu ðkpa tsú iwí agyómá ánfí ndeyō há
 Bulu ánfí su. 18 Tsúfé mméetalí blí asvansu tsía
 atóá Kristo latson mí ason blíhé pú mí bwéhésú
 bwé ahá ání bomegyí Yudafōtō, méní bóbu Bulu.

* 15:12 Yisai lókwí Owíé Dawid ání ogyi Yesu Kristo mu nain.

19 Ina ofúla móa osúna amúú nɔbwε Bulu Ɔhɛ ámu túmitɔ ámusu nɛtalí dá Kristo asun wankláán ámu fée ɔkan, tsú Yerusalem alu yédaɩ Iliriko ɔsolósu.

20 Tóá idin mí klunsu bré fée, ndekléá nɔbwε gyí, nénatí dá Bulu asun wankláán ámu ɔkan ntínéá bɔmɔkónyá nú Kristo asón ki. Mmedékléá nótɔá ɔku gymagyihesu. 21 Tsúfé bɔwanlín wá Bulu asón ámutɔ bεε,

“Ahá ání bɔmɔkónú mu nka ki bówun mu,
áhá ání bɔmɔkónú mu asón ki é bónu mó asi.”

Paulo Roma Ɔpasua Yésinda

22 Iní láhá mmɔkónyá ɔkra ba mli wá bɔtu nde ní.

23 Táme séi mó á, mí agyómá lamó ɔnó nfi fónsó. Nfi tsɔtsɔɔtsɔ ní ndekléá néba mli wá beki mli. 24 Mó su nabwé agywun ání ní ndetsóon nɔyó Spania a, nótson ki mli. Agyi ɔdwe kpalobí á, mlilasí mí ɔkra nayó inu. 25 Séi á, nabwé agywun ání négyankpá yó Yerusalem, yóbɔá Bulu ahá ání bɔbɔ inu. 26 Tsúfé Akristofá bɔbɔ Makedonia pú Akaia ɔsolósu bapú ɔdwe dúnká ató bɔdɛpɔsísí Bulu ahá ání bɔgyi ahiánfɔ Yerusalem. 27 Ibo amú ɔdwe ání bóbɔá Yudafɔ é ká ikɔ. Tsúfé banyá Ɔhétó ató, nú nkpahóɔ asón ámu tsú amú wá. Mó su ilehián ání bódunká ɔyító ató ku há amú é. 28 Ní nɔpú kóba ání bɔtswitswi ha mí fée wá amú ibitɔ á, nóbɔtsun mli wá yó Spania. 29 Nyin ání ní nebá á, nɔpu Kristo oyúla kpɔnkpɔɔnkpɔnti ba mli.

30 Mí apíó adwepú, ndɛpu aní Wíe Yesu Kristo pú ɔdweá Bulu Ɔhɛ lahá mli há mli aba kókóli mli mbéε, mliú mí ɔma, amlibɔ mpái ha mi kínkíinkín.

31 Mlibɔ mpái mliaa, Bulu ɔléε mí tsu Yudafɔ amúú bɔmɔhɔ mu gyi amu ibitɔ. Mlibɔ ha mi, Bulu ahá

ání bobu Yerusalem nu abuhə ató á múú napó neya amó ámu. ³² Fówun ní Bulu lótsulá á, néba mli wá ansigyí kpənkpəənkpəntitə, beɗa əkpónú. ³³ Buluá ətehá iwilwii, otsía mli fée wá. Amen!

16

Itsiáha

¹ Nde opio tshé Foibe le súná mli. Kenkrea wúlutə əpasuatə ahande əbuápu ogyi. ² Mliho mu anı Wíe Yesu dátó alíá ilekanáa ání Bulu ahá bóbwe, amlibua mu əkpagyíəkpasv alíá odeklé. Tsúfé mu onutó alabúa ahá tsətsəətsə, alabúa mi é.

³ Nehá Priska mva mu kulu Akwila fée tsiá. Mía amónyə létsiá bwé anı Wíe Kristo Yesu agyómá. ⁴ Bəpu amó iwı há ání bówu mí sv kóráá. Nde amó ipán da wankláán. Megyí mí nkole. Akristofá bume gyí Yudafo əpasua fée buɗe amó ipán da. ⁵ Nehá əpasua á múú betsiá fia amó wóyító ámu é fée tsiá.

Nehá mí ədwepó Epaineto tsiá. Múlégyankpá ho Kristo Asia əmátó fée ní. ⁶ Nehá Maria á múú olowun ipian mli sv ámu tsiá. ⁷ Nehá mí aba Yudafo Androniko mva Yunia tsiá. Bawá mía amónyə obu ki. Bvgyi Kristo sumbí ayəpó ání obú bu amósú. Begyankpá ho Kristo asa natá bəho.

⁸ Nehá mí píó ədwepó Kristotə Amplia tsiá. ⁹ Nehá anı Kristo agyómá əyəbá Urbano mva mí nyáwíe kláklá Staki tsiá. ¹⁰ Nehá Apele á múú alalé súná wankláán ání alapó mu iwı há Kristo amv mva Aristobulo abusuanfo fée tsiá. ¹¹ Nehá mí bá Yudayin Herodion tsiá. Nehá Narkiso abusuanfo ání bvgyi Akristofə tsiá.

12 Nehá Trifaina mva Trifosa, bugyi atsi á múú bude Kristo agyómátó kinkíínkín ámu tsiá. Nehá mí ɔdwepó tsíhé Persi, ɔde Kristo agyómá yɔ kinkíínkín ámu é tsiá. 13 Nehá Rufo mva mu yin á múú mí é nteí mu mí yín ámu tsiá. Rufo gyí aní Wíe agyómá ɔyɔpú ání alahɔ dá agyómá ámuɔ. 14 Nehá Asinkrito, Flegon, Herme, Patroba, Herma pú apíó Akristofɔ á múú bɔbɔ amú wá ámu fée tsiá. 15 Nehá Filologo, Yulia pú Nereo mva mu pio tsíhé pú Olimpa mva Bulu ahá á múú bɔbɔ amú wá ámu fée tsiá.

16 Mlilata aba puta Bulu ɔdweɔ. Kristo ɔpasua ámu fée bude mli tsiá ha.

Tɔá Roma Ahógyipɔ Amv BɔbWée

17 Apíó, nokókóli mli, mlikɩ wankláán, ménɩ mlétalí wun ahá ání bɔbɔ mliɔ, bude mli dasáín. Alí ahá ámu butehá ahá butedida hógyito. Amú ato-sunáhé tedá mú á múú nosuná mli ámu mó. Mlikɩla iwɩ le amósú. 18 Tsúfé ahá ámu odu á, megyí aní Wíe Yesu Kristo budesúm. Amú ɔwólɩ laláhe budesúm. Bapú amú ɔnɔwankɩ pú ahákanfó bɔna bude ahá ání bɔmeyín ɔlala mlé. 19 Táme mli mó á, ɔhagyíɔha lanú aliá mlilapó mli iwɩ há Kristo. Mó su ɩbɩ mi ɔdwe, ansí de mí gyi wankláán mli su. Táme ndekléá mliɩn ansí, amlɩbɩ tɔá ɩbɩ alé. Mlimáwa ɩbɩ lalahɔ. 20 Bulu téhá aní iwilwii. Imóɔwa ɔpá á, ɔbétɩ Satansu mántá ɔsulóɔ tántáántán, mlélí mɩsu.

Aní Wíe Yesu Kristo ogyíi mli buale, ɔlu mli ɔma.

21 Mí bá agyómá ɔyɔpú Timoteo dé mli tsiá ha. Alí mí aba Yudafɔ Lukio mva Yason pú Sosipatro é bude mli tsiá ha ní.

22 Mí mli pío Okristoyin Tertio ání nōwanlín
 ɔwuló ánfí há Paulo, nde mli tsiá ha.

23-24 Mí wóyí m̄ wie Gaio amúú ɔpasua amúú
 b̄utefia m̄ wóyító am̄ dé mli tsiá ha. Erasto, ogyi
 wúlu kóbasu ɔkíp̄u m̄ua aní pío Kwartó é behá mli
 tsiá.*

Paulo Bulu Kanfó

25 Mliha akanfó aní Bulu! M̄ ɔbétalí t̄sun Yesu
 Kristo asún amúú nablí am̄usu há mlélí kínkínkín
 hóḡyitó. Ɔl̄ɔp̄u ɔnɔkwalí anfi n̄áin tsú ɔyí ɔpá. 26 Séi
 mó á, alatsun m̄ ɔnósó at̄áip̄ó am̄u at̄o wanlính̄ésu lé
 mó ɔwan. Fé alíá Buluá ɔb̄u inu bré f̄éétó lahá ɔmá-
 ɔmá babí mó, méní ahá f̄éé b̄óh̄o m̄u gyi, bú m̄u.

27 Bulu nk̄ole gyí Bulu. M̄u nk̄ole b̄úu nyánsa.
 Numnyam ání ðekanáa its̄úun aní Wíe Yesusu it̄u
 m̄u bré f̄éétó. Amen!

* **16:23-24** Mótó yée 24 b̄u n̄woló dada am̄u akotó: Aní Wíe Yesu
 Kristo ɔwáa awít̄ole ha mli f̄éé. Amen!

Bulu ntam pɔpwɛ; Nkonya
New Testament in Nkonya (GH:nko:Nkonya)

copyright © 2010 Wycliffe Bible Translators, Inc.

Language: (Nkonya)

Translation by: Wycliffe Bible Translators, Inc.

Nkonya

nko

Ghana

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nkonya

© 2010, Wycliffe Bible Translators, Inc. All rights reserved.

2014-05-01

PDF generated using Haiola and XeLaTeX on 21 Feb 2024 from source files dated 29 Jan 2022

2c5882f1-9b2d-5f5e-bf4f-7030fc58727b